

經

法華玄義釋義

一之五

多

C40
4514
202



80

1

2

3

4

5

6

7

8

9

100

1

2

3

4

5

6

7

8

9

100

1

2

3

4

5

6

7

8

9

100



B 64853



釋籤緣起序

君山除幢男普門子屬辭

四教成列開合之旨蘊乎其中。十子既往。幽贊之功在人方絕。惟三轉遂周一乘。載導經文顯而約。玄記博而深。後進難窺。蒙求尚壅。不遠而復存乎其時。我哲匠湛然公當之矣。公孩提秀發志學名成。淵解得於自心。博瞻振於先達。無適不可以虛受人。洎昆壇御法之多仄。身巖宇或謂身危。法喪莫如奉法全身。僥倖遂行。暴露原野。是樂法者請益悅隨且法實無。

邊身則有待。弘敷未暇籤訪有憑。因籤以釋思逸功倍美哉。洋洋乎登門者肯綮。未嘗望涯者恥躬不逮。乘是以訓文其可廢耶。先德既詳。雖大科不舉。諸生未達在小疑必疏。凡十卷不忘於本。以天台命家善繼其宗。以釋籤順學信。所謂觀象得意。俾昏作明。永代不朽者也。昔早歲在塵後時。從道徒欲擊其大節。獨不愧於心乎。天王越在陝鄂之明年。甲辰歲紀月貞於相。

法華玄義釋籤卷第一

天台沙門湛然述

昔於台嶺隨諸問者。籤下所錄不暇尋究文勢。生起亦未委細分節句逗。晚還毘壇。輒添膚飾。裨以管見。然所記者莫非述聞兼尋經論。但識用暗短而繁略。頗駢。呈露後賢。敢怖添削。

私記者。章安尊者於江陵自記大師所說。不與他共。故名爲私。緣起者述所記之興致序教法之所由。此中光序師德及傳述之意。名爲總序。次正序玄文。不過五義及本迹奧旨。初序分二。初序師德。次幸哉下。

明傳述之意。初文又二。初列十德。次唯我下結歸我師。初十德中。初云大法者。通指佛教以爲大法。東漸者。自漢明夜夢迦竺。初臨泊乎隋文御寓台衡誕應。諸有習禪義解翻譯之徒。漸被此方弘宣。教法僧史所錄。未有不會聽講。自解佛乘。佛乘者。卽是今典。永異餘教。不同三五七九等乘。仍開會之使歸乎一極。故云佛乘。言僧史者。如宋文宣王記室王簡栖所集百卷。如俗史書左史記事右史記言。禮云。動則左史書之。言則右史書之。凡所集者。不出言之與事。今亦例之。故云僧史。又嘉祥皎法師所集高僧傳十三卷。

開爲十科。終無不聽。自解如天台大師。此不聽自解。卽是今文十德中之一也。及從縱令已下九德。竝在大師別傳。章安撮之。用序師德。初德之中。詎者正云無也。下之九德。德德之中。皆云縱者。謂與而言之。縱有第一。終無第二。乃至第十。故下結云。唯我智者。具諸功德。發悟者。謂於大蘇法華道場三昧。開發悟解。一乘代受法師講金字大品。陀羅尼者。此云總持。從三昧起。以證白師。師云。此是法華前方便陀羅尼。縱具定慧者。發悟屬慧。入定是定。盛席者。盛弘定慧。二法謝遣等者。自省不能益他。爲謝推衆不受。曰遣隱。

居華頂佛壘唐溪避世等者捨名利爲避世進已道爲守玄陳少主再敕頻迎隋文帝有敕請住故云被徵爲二國師太極殿者陳朝正殿名爲太極三禮者陳少主敕云國家一年舊有仁王兩集仰屈於太極殿開講法式處分一聽指揮初開法筵主上親於衆中三禮天子爲萬乘之主故云萬乘屈膝言萬乘者論語包氏引王制云古者井田方里爲井十井爲乘百里之國適千乘也諸侯之國千乘天子之國萬乘故云萬乘之主道俗等者百高座爲道百官爲俗玄悟法華圓意者五義釋經統收五味故名爲玄非兼

非帶開廢諸典名爲圓意樂說辯如止觀第一記晝夜等者舉譬也如懸河流瀉晝夜不竭此之十德通舉悟解弘經之相故初德云自解佛乘最後德云晝夜流瀉諸有託胎靈瑞誕育徵祥髫鬢精誠從師訪道臣主珍敬緇素歸心臨終示相滅後應驗具如別傳次傳述中分三初述歎所受功微次竝復下正明傳述以益當三或以下述已添助以勸信初自斥已名謙恭所學幸者自省之詞建業亦云建康卽晉宋等稱爲業都今江寧是也舊稱揚州隋滅陳後移揚州名額過京江北江陵卽荊州也故下句云荆揚往

標題

復途將萬里。將猶當也。謂依俙。鬚髮將一萬里。漢南白荆。自漢南至衡山之南。江南曰揚。自京江至南海。已來台嶺鶴林。具如止觀第一記。非但未聞不聞等者。歎恨不聞者絕分。如止觀禪門淨名疏等各有餘分說未終者。名爲不聞。亦乃已去謙已聞者未能盡意。卷舒鑽仰者。章安總歎再治再讀理堅意高。如孔子諸弟子歎孔子智深。如窺其宮牆鑽之彌覺其堅。仰之彌覺其高。如飲大河水飽腹而歸。不測深淺。猶恨緣淺下明。私記錄起。今雖欲記。但恨一聞而已。屬大師滅度。不獲重聞。諮詢無從。如犢思乳。茲復惟念。

者自惟及念彼故云竝也。自惟不足念彼未聞。若不記其所聞。念彼當來有不聞佛乘之苦。故云可悲。若樹若石等者。如涅槃雪山童子聞半偈已傳於石壁。又如今經隨喜品初隨其所聞聚落田里爲父母宗親隨力演說。聿循也。聖典者。依今經及大經等皆令傳授。甘露門者。實相常住。如天甘露是不死之藥。今釋妙法能通實相。故名爲門。初總序竟。

次正序玄文總有三序。初一是大師別行經序。次私序。至去是記者所序。三此妙法去玄文本序。初中云王字去聲。謂起也。初也。序起衆文之始。故云序王。就

初序爲二。初總攬五義以釋名次記者下就總名以別解。初文又三。初釋妙法。次釋蓮華。三釋經。初文又二先妙。次法下文廣釋先法次妙者從義便故今既略解且從名便初釋妙者但舉一不思議則已簡於可思議也。彼止觀爲成觀故乃以相待爲可思議則麤唯一絕待爲不思議妙。今則不然。圓中約時待絕俱妙餘味約部或妙或麤。若前三教時之與部一向爲麤至法華被開方稱爲妙。止觀相待義似於別故判爲麤。今此妙名兼於本迹。彼文妙觀獨在於圓。雖異而同細尋可了。下文廣釋不俟多云。次釋法者略舉

界如真攝三千。廣如後釋。妙歎於法法祇是妙。權實之言兼於施等三義不同。譬中復論故未別出。次釋蓮華又爲六。初總立次用譬意三從一爲下別釋。四是以下結法譬先後以明法譬意。五蕩化城下探取經旨以顯法譬。六一期下總結用譬本意以示結歸。初文者妙法不出權實故蓮以譬實華以譬權。次意者良者發起之端。何以立華譬法爲難解法故假謂假藉彰猶顯也。若非蓮華無以顯於妙法故也。譬之所顯曰況。具顯本迹十妙十麤總含因果體宗用三故云乃多。今此序文未暇廣述略況本迹以攝多途。

撰述

法華經疏卷第十一

擬亦譬也。所對前後。祇是本迹二門。各十四品。前三後三。故云合六次。廣釋中二先迹。次本一據經文次第。故爾。二據化儀必先垂後拂。三據機緣則先淺後深。若以華譬於迹。蓮譬於本。未可辨其前後。何者。從本垂迹。則本前而迹後。由迹顯本。則迹前而本後。約機雖爾。約佛終以本居於初。則蓮前而華後。非譬次第。然望劫初種子。皆從化生等。是化生蓮之與華。皆可爲始。故竝順二義。迹中權實。取譬蓮華。迹亦非實。無以施權。非權無以顯實。然終以理實爲本。而一體權實。前後同時。蓮華前後比說可知。今從事說。現蓮

爲譬。以順譬故。先施後開。又先開後廢。亦且順喻。據其法體。開廢俱時。此據最後開廢而說。若中間迭廢。則唯廢無開。非今喻意。具如下說。今初云爲蓮。故華者。約時且寄華嚴頓後而說。頓中之別理實教權。且置未論。鹿苑施小方等般若已爲開廢而作方便。如此說者。且在於小。若約教者。通前四時三教皆權。二乘唯在法華菩薩處處得入。而今文引且從引小小難引。故故寄說之。知第一寂滅。約佛自行自行。卽是理實。以方便力故。正明施權應云爲五比丘說文中略者。爲欲卽說施權意故。卽以下句種種之言。兼之。

撰述

法華經疏卷第十一

從雖示下明施權意也。雖復施權本爲於實。種種道者。卽兩教因人別教。敎道五時八敎。故云種種。次明開者。指實爲權。權掩於實名。方便門閉。今指權爲實。於權見實名。方便門開。示謂指示。示其見實之處。故云也。第三廢者。捨是廢之別名。開已俱實。無權可論。義當於廢。權轉爲實所廢。體亡。若留逗後緣。復屬於施。非此中意。若爾開廢何別答。約法乃開時。卽廢約喻。必義須先開。若爾法喻差違。何成喻法答。據理似與喻有違。據事似先開後廢。如先示方便。卽是真實。旣識實已。永不用權。若約理者。開廢俱時。開時已廢。

故也。次又蓮下本中譬者。初句總標。次從本下。正明垂迹。迹依於本者。示迹不孤立。卽垂迹之意。本擬顯本。是故今云。迹依於本。迹非究竟。文云下引證者。初先明本言。若斯者。指壽量塵點。但敎下正明垂迹。作如是說者。總舉所說。我少等者。別示說相。十九踰城三十成道。不說爾前故云。我少。次開迹中引文。初述迷迹。故云皆謂我成佛下。正明開迹不可具彰。略云無量等。三廢迹者。如後如前引文中。初諸佛下。引同爲度下。正明廢迹。廢已無迹。故云皆實。實祇是本權。祇是迹。若辨同異。廣如第七卷明。四結中。云是以先

標題

法華文義卷第十一

卷二

標等者總結六譬。非蓮華無以譬於權實。本迹妙法。非此妙法。無以取喻於蓮華。如金剛經。則喻先法後。今且順此。故云是以等也。五以經旨釋者。一部之旨。不出本迹。蕩化城者。譬前法。譬初蕩化城至記。前釋迹門也。從又發衆聖至鄰大覺。釋本門也。且就迹門三周攝盡。三周次第。法說居初。今從屬對。一喻先說。言化城等者。化城是導師。權說。故經云。今此大城可於中止。是故屬教。草菴是行者所執。故經云。猶處門外。止宿草菴。是故屬情。蕩執教本爲除其滯情。遣滯情本令不執權教。化城述昔草菴譬現時機。不同故。

互舉耳。開方便者。開於五乘。初文是開方便三乘。從會衆善去。是會人天小善。蕩是廢之別名。開廢會三同異之相。具如下文。本迹用中各有十義。又開方便近理。故云妙理。對人天小行。故云大乘。小行非不歸理。方便亦入一乘。綺文互對。其意恒通。理者單從體說。乘者從事以明。事以體爲所依體。必藉事方顯。人天本在於事。從事開事爲便。二乘已證。權理從理開理易明。是以經開人天。但云佛道。若開三乘。乃云實相。若爾。何故經文二乘。卻云菩薩道等耶。答。道名則通。義理則局。局故二乘。開已授八相記。人天但約過

80 1 2 3 4 5 6 7 8 9

10

1 2 3 4 5 6 7 8 9

10

去通論。又若按位開者。二乘得在似位人天但在觀行。故授記二乘更經若干劫數供養人天無此是故不同。同乘佛乘是故不異。上中下根等者。前蕩化城是爲下根作宿世譬前廢草菴是爲中根作譬喻說。前開方便是爲上根但作法說。三周說竟各授記。荊具如疏文三根互轉得利鈍名具如疏第四卷十門解釋次又發下本門。又二初正明開迹次故增道下授記。初文者本門開其所覆故名爲發佛及弟子名爲衆聖頭角聲聞本是菩薩如富樓那等。菩薩本是古佛。如文殊等。竝屈曲施設故云權巧。寂場已來爲

迹所覆今始拂之故曰顯本。昔未曾會說故曰幽微。次授記者分別功德位至一生近於妙覺故名爲鄰大祇是妙。六總結中始自寂場終乎鶴樹故曰一期誘物入實故云化導顯本爲事圓開權爲理圓。又化事已周名爲事圓本迹理顯故云理圓。不以餘華爲喻者以蓮華六譬元譬本迹故一代教法咸歸實本。非蓮華無以喻之故云意在於斯此也。此謂本迹。三釋經字者五味教法竝稱爲經故云都名具在第八故云如後次就總別解者從記者去章安釋大師序意然大師所序似但釋名而已意含別故章安所釋

具體宗用。以釋名是總體等是別。別於總總總於別。故於總中所釋兼具五章。當知體等三章。祇是三德乃至。至祇是一切三法。故下文云。釋名總論三法體等開對三法。故總名中通冠一部。一部終始不出二門。是故二門以文心立號。如止觀發心初云。積聚精要。名之爲心。今之法聚以本迹爲要。又本中體等與迹不殊。故但於名以分本迹。餘體宗用直釋而已。故章安述大師意得經文心。故玄義五章莫過本迹。如釋妙字。本迹各十。本迹二體。其理不殊。昔日因果名爲本宗。中間今日所論因果名爲迹宗。本迹二用不

論麤妙及以廣狹。但據近遠以判。本迹教相但是分別權實久近相耳。仰觀本迹之旨。三世設化文義冷然。冷謂泠泠覽而可別。妙法已去。牒前序文以示五義。故知叙名通冠始末。如前一序。但叙於名體等三義合在名中。體既屬理。理豈無宗。一乘屬宗。宗豈無體。蕩化是用。且據實邊。據理立化亦在用攝。尋文可見。

從私序王去章安私序。又爲二先序。次釋序。初又爲二先譯。始末次釋經題。大師序中總以經題含於始末。大師從義題中義必含於體等。章安從說說必體

等與釋名異文義因依故復重釋。初文者法譬二周略而不叙。且寄宿世以爲興致。法譬二周得益之徒莫非往日結緣之輩。以退大流轉故惑寂理而耽無明酒以失大悲心故迷妙因。謂生死曠遠。世尊憐愍接其小機。小尚昧初故猶倒惑觀宿種故體業付財妙行復初故現瑞駭動。故此序中愍斯之言其意該括初言夫者發語之端理絕等者既開顯已絕偏圓名爲形華嚴方等般若偏圓對明往結法華絕待之緣今寄圓珠而譚絕理極非等者然一極至理非凡小之近非佛果之遠託五百由旬引化城之近說寶

諸之遠極會等者凡譚圓說遠爲接近廢偏若冥真契極事理寂然化周爲事寂顯實爲理寂又寄圓珠以顯理冥其理故爲理寂託寶所爲譚事會其事故爲事寂此之二解義意大同寶渚本爲廢於化城化城若廢名化儀畢衣珠本譬音聞實相實相若顯名契寂理此明中間已入實者而不寂者去明退大後流轉五趣耽障中道微細無明故失於大志復耽現行麤欲無明忘本所受迷涅槃道去明流轉後忻樂小乘如人迷故謂東爲西則東西俱失三德涅槃卽理而具謂理爲遠昔大取小則大小俱迷謂大爲遠

爲迷大謂小爲極爲迷小聖主去明今日開顯先以四味調熟來至法華迹序四華六動先表四位六番至流通中變土地裂表顯實相實相通被故云一切覩瑞聽法故云見聞從發秘密去次釋經題初妙法兩字通詮本迹蓮華兩字通譬本迹今以久本喻蓮會圓譬華發秘密等者發者開也昔秘而不說故部皆屬麤昔權實相帶權實隔異是故不疎權實正軌本果久成但爲迹覆今但指本名之爲顯法是現在受者計異故須會之位猶在因故名爲道聲爲佛事且據佛世義通滅後故名爲經色唯滅後故且置之。

前大師序云有翻無翻指第八卷初則唯在於色次則徧於六塵故大師序意一往似局而實通章安序意一往似通而猶局圓詮之初等者且從迹說具存應云本迹詮初前大師序不釋序品第一者雖在題名之下自屬品之次第非題中之義故缺不論故玄文末亦不釋之至疏文初方乃略解章安承便故略論之序類相從等者一往亦且釋品所以若有品之由具在文句此不合論衆次等者二十八品生起不雜生起非一故云衆次於中最初故云之首第一可知譚記者恐悞應云譚託謂託寶所譚理極也圓是

妙之別名。極是妙法之果。今寄果法以歎妙。如經唯佛能知。故云叙名。作此叙字者。叙謂敘述。申作者之意。作此序者。序謂庠序。如六瑞等爲正說。庠序此非今意。故不書之。會冥者。謂得經體也。通則偏爲諸法。諸經諸行等體。別則唯在因果所取見於實相方名。得體。今置通從別。故云會冥。以會冥故。名宗家體。聞法繫珠。是爲圓因。得記示珠名爲圓果。故以珠叙宗。又若論珠體。非繫非示。還約於珠。以論繫示。故成體家之宗。化周理顯。法華之力。故云俱寂。是敘用也。良以權實雙運。故調機入寂。乃成於宗家之用。四華六

動居一經之首。故云敘教。通序別序。咸皆敘教。通由通漫。故略通從別。別序具五餘四。尚寬現瑞表報。其相最切。就六瑞中。餘四尚寬。未若四位天華。六番破惑。動地。教意在此。故略引之前。開方便門。引意故爾。本迹但是遠近之異。大師所釋其義已顯。故云可知。次從此妙法去一序。是譚玄本序。得下文意。此序不難於中。亦二初序次釋。初文者爲三。初叙有經之由。次正明今經。三所言下釋題。初由本證。故能說之。迹中雖說推功。有在故云本地文云下引迹證本。約自證邊無法可說。三世下通舉證同。次文云下正明說

撰述

經復先引文。以內證故而爲他說。大事下。明說本意在佛乘。故舉始終意在佛慧。中間調斥非佛本懷。故云助顯。次今下。正說。次釋名中。初釋妙字。次又妙下。釋法及蓮華并經。皆以妙字冠之。以無非妙故爾。釋中亦約一題之內。而四義存焉。六喻叙用者如下文云。迹中斷權疑生實信爲用。本中斷近疑生遠信爲用。故下文明本迹各十義不同。甘露是理教是理門。故云甘露門也。

次正釋五重玄義者。先列次釋。釋中先判。次正釋。初判中二。初列次判。判中又二。初通約諸經。次正約今

經。初文三。初釋名。次如此下。出體三例。衆經下引例。初二可知。三舉例中。云例衆經之初等者。舉經初通序五義以爲例釋。問。阿難旣同。云何人異答。具如疏文四種。阿難餘意可見。次約今經通別中爲五。初釋名。次辨異。三出體四引例。五簡示。初云通者共義者。七義共釋五章。各者五義不相雜亂。次辨異者。雖有通別。同釋一經。故云專在一部。餘文可知。次正釋中。先通次別。初通中四。初標。次一下列。三對五心。四廣釋七番。初二可知。三對五心中二。初正對。次結成初中開合等三。起慧心者。此三性是分別簡擇故也。觀

撰述

法華文義解說

卷一

心者。隨聞一句。攝事成理。不待觀境方名脩觀。無事間雜。故云精進。法不孤立。以七章依於五心。五心若立。如草木有根莖幹。則立故心立名根。既五心名根。根必至力。言排障者。如信解品云。無有欺怠。瞋恨怨言。欺爲信障。怠爲進障。瞋爲念障。恨爲定障。怨爲慧障。若根增長能破五障。故名爲力。既成根力。必具覺道。以開三脫。故云乃至。以小準大。亦應可知。四廣解中二。初結前生後。次正解。初文者。結前可知。廣解下生後。亦名用章意也。以此七番共解五章。旣起五心。至別解五章。一一無不成於五心。旣以七番略解五

章。當知廣解五章。皆悉具七。是故得至圓門三脫。入於初住。開佛知見。初所以竟。

次正釋中文自爲七。初標名者。卽初標五章也。於五章中。此初標名。於中文自爲四。初標列次解釋。釋初立中。云原聖等者。所言立者。卽妙法之名也。原者本也。建者立也。大聖立名。蓋爲開深理以進始行。一實相處。名爲深理。七方便人。皆名始行。視聽兼現。未佛在唯聲益。益通二世。故云視聽俱得見聞。使尋聲色之近名。而至無相之極理。故以此妙法之名。名實相法。施設妙機。應入實者。若從通說。則一代教門。莫不

撰述

海藏子卷之三

卷之三

爲開實相深理。今唯從別卽此經意也。次分別中二。初以今經對明前教。次約五味重顯今經。初文又五。但法有麤妙通標也。次若隔歷下簡始自華嚴終至般若。雖名不同。但爲次第三諦所攝。今經會實方曰圓融。三此妙諦下歎釋今經一實之理。四文云下引證五。尚非下引經舉。況尚非別教行位不退所知。況復人天之類。羣者衆也。謂種子未剖之相。人天全爲無明所覆。故曰羣萌。次別約五味。又二。初通舉不卽說實之意。次所以下具歷五味。明說不說之意。初文又二。初略。明不說。次引文釋不說。所以初文者直

牒前文。如云唯我知是。相十方佛亦然。而不忽忽卽說者何故。引文釋廣如方便品。次所以下正約五味。又二。初四味。次醍醐。初又二。初列四味。次明四味。意初文中。四味竝有融不融名。不無小異。乳中以別爲不融。酪教一味。全是不融。生蘇中融。卽有二義。若以圓斥三。及以圓斥藏。卽以圓融爲融。或以三教斥藏。卽以融通爲融。雖兼斥大。正在斥小。故云令小根恥小慕。大熟蘇中。云令小根寄融向不融者。通教小乘。寄於融通之融。而得小果。卽指小果名爲不融。令大根從不融向於融者。卽指通別以爲不融。卽是令通

撰述

法華經疏卷第十一

別菩薩向圓融之融。問。若說佛乘。恐其墮苦者說華嚴教可非佛乘耶。答。若約教論。方等般若亦有佛乘。何獨華嚴今墮苦之言。但據不堪。唯佛乘故。聞別等三教猶免生謗。仍用秘密之力。且隱小以說之。雖曰大機。尚隔於別。小根被隱。一向不聞。由隱小故。不名俱立。是故但立頓大之名。不立一乘獨妙之稱。非佛本懷。良由於此。華嚴頓大。尚非本懷。況復鹿苑。唯立不融。故三藏教首。及以部內。麤尚未周。故妙號都絕。方等般若比說可知。次從雖種種至非佛本懷者。次明用四味意。探取法華說。彼四味本懷未暢。故歸

會法華。所以施設之言。通於麤妙。爾前猶用權施設。故言隨他等三者。此隨他等三。有通有別。若歷七重。及以四教。一一說之。此依諸教通總而說。今別約法華別相而說。自法華已前。皆曰隨他。故前教中。雖竝有融。以兼帶故。竝屬隨他。未堪開顯。名不務速。務事速也。唯至今經。開諸不融。唯獨一融。使前諸部。同一妙法。出世意足。是故下文云。乃暢也。故言等者。結歸初文。不說之意。務亦急也。次今經下。明醍醐味。又三初正明。今經次令一下。明說佛本意。三故建下。結立名也。初文捨者。捨祇是廢。故知開廢名異體同。次文

撰述

者事不獲已使一音異解既調熟竟道味無殊餘生滅度想若五千起去竝付待後會及彼土方聞乃暢等者經云一大事因緣故出現於世大事既遂出世意周三結者既此經名妙驗前四猶麤三結中總結四味不立妙名爲何所以以兼等故判部屬麤如細人麤人二俱犯過從過邊說俱名麤人此經異彼故云無復方得獨立妙名故也譬中言例者爲法立譬故譬例於法故例前三章咸以華爲譬初例前立名次云何下例前分別三如是下例前結也初文者初文立中但約妙名兼歷五時開深進始方至於極今

譬亦略例但云麤妙總攝前多次譬例分別中前具約五味今但從人簡諸外道及前三教以諸部中妙不異故狂華無果可知又應更加有果無華可譬外道計果自然如吳錄地理誌云廣州有木名度不華而實實從皮而出如石榴太色赤可煮食若數日不食皆化爲蟲如蟻有翅能飛着人屋外道雖計自然之果此果無實一華多果如胡麻等多華一果如桃李等一華一果如柿等前果後華如瓜稻等故南嶽四安樂行云餘華或有狂等蓮華不然又云餘華成實顯露易見如方便諸乘蓮華隱密如一佛乘次蓮

撰述

華下譬醍醐者爲二初通舉多奇次別對三義初文者可以譬本迹十妙及體宗用三章奇祇是妙十妙三章無不皆妙非多奇華果何以擬之今總以爲蓮等三攝彼本迹故標多奇次列三義初義云華實具足等者爲蓮故華華掩於實爲實施權實在權內體復不異故云卽實而權機熟須開開彼能覆情慚近果名之爲覆拓彼近謂名之爲開開何所開卽彼能覆又華落蓮成等者華落譬非權蓮落譬非實開已卽廢時無異途開教行人理同一理故故實立已同冥三德故知三德不當權實標體中先列次釋釋中

先叙大師釋次章安私釋初文自四初從體字去初釋字也次從故壽量品下第二引同從今言實相下第三簡非從斯乃下第四結正初釋字中又三初釋字訓次各親下引例爲類三出世下正出經體以同字義初文可見次文者雖用儒宗不同彼意彼明道喪故使獨親各子之局所以禮典今借彼禮法以譬體同一切諸經咸歸實體如各親其親此之實體生一切法如各子其子故禮記第七云孔子曰大道之行也天下爲公選賢與能講信脩睦故人不獨親其親不獨子其子注云孝慈之道廣也今大道旣隱天

80 1 2 3 4 5 6 7 8 9

100 1 2 3 4 5 6 7 8 9

100

下爲家各親其親各子其子。禮義以爲紀。以正君臣。以篤父子。故義同也。次引同中二。先引壽量同。次引二論同。初文又二。初引壽量。次出方便文。以辨同。初文中云。不如三界者不同三界人所見也。故三界人。但見異相。二乘見如。如卽空也。佛菩薩可知。所以但引壽量不引他部者。他部已與迹實相同。故下文云。今經迹門。與諸經有同有異。異謂兼帶同邊不殊。故不須引。然下文云。本門與諸經一向異。恐人疑云。若意異者體等應殊。故今引之。令知不異。所言異者。所謂遠壽諸經永無故。一向異。若爾。本門亦有實相同。

邊何。故不名有同有異。答迹門正意在顯實相。故以所顯之理。與諸部文以辨同異。本門正意顯壽長遠。長遠永異。故用比之。實相雖在迹門辨竟。今須辨同。故今但取實相同。邊長壽祇是證體之用。未是親證實相體也。次今取下辨同。取壽量所見與方便實相體同。所見者。經云。如斯之事。如來明見。正明佛有能見之德。故須云。見取所見邊以證體同。經中廣明。如來如實知見等相。云次引二論者。地論中論也。問既不引諸部佛經。何須復引菩薩二論答。諸經同異。下文自判。諸論同異。未有誠文。地論別申華嚴中論。

80 1 2 3 4 5 6 7 8 9

90

1 2 3 4 5 6 7 8 9

100

1 2 3 4 5 6 7 8 9

撰述

通申諸教但引此二足顯其諸況二論此文言約意廣況辭異意同最堪況例初地論文者初列四句次釋釋中應以畢竟空不思議假相對以成圓融三諦問雖云辭異意同空假如何得爲經體答既是不思議空假還指空假卽中中爲經體中卽空假亦指於中三諦無非徧一切處若得此意中論四句義可準知若四句對教自是別途非此中意今言下簡非者舉離四謗謗卽是非謂實相中無四謗也四卽是謗故云四謗兩教二乘不能卽權而實名爲斷無藏通菩薩不能卽實而權名爲建立別教菩薩棄邊取中

名之爲異地前爲權實登地爲雙非竝語地前不能
權實卽中及中照權實故不免異及以盡謗次結中
云斯乃等者本迹爲二經迹經謂方便品中實相是
也本經謂壽量品中非如非異是也金剛藏及中論
爲兩論致猶得也謂兩論二經同得實體次私釋爲
四初標能破所破次破凡下釋所破以顯能破三此
等下簡異四今經下正出經體初文中橫破凡夫四
執等者如前簡非中四謗是也法雖通深執成凡見
故橫在初心名凡四執亦云有無等四見是也言三
聖者謂前三教聖人次釋破中三聖爲三初破三藏

中頗梨如意。二珠相似譬法性名同。初聞混大。故云一往似真。被斥茫然。故云再研便僞。方等尚止宿草。菴般若猶無心怖取。故至法華方知昔失。以昔不知空。卽有故。爲空。卽有之所破。次通教理。通故名爲共。通機如雜色。但真如色變圓理。如珠體。機發如物裹。故通教二乘。亡實相體。逐詮小之教。墮落二乘。鉢根菩薩義同。二乘復能出假文略。不說。次引大經。明利根菩薩。一教之內。利鈍不同。空中旣殊。故爲所破。初不知中。故不及別。次別教人。雖不但名同。但中異。故故云迥出。是故三教。竝爲圓教所破。然破別者。但

破敎道邊本。是中今棄邊中之中。而別求於中。故以雲外之月。磨教道中。以捨空求空。曇方便智。若知邊中不異。卽破此意。彼理有中。此邊無中。則實相正法。不偏一切。故不名不盡。故以不盡破於不偏。前金剛藏四句。破中別教得二句。卽此意也。此等下簡異中。二先簡次重判。初文者。金剛藏四句。雖異。皆云是佛甚微智故。故前釋云。皆被空有等破故也。本有常住。權實不二。前之三敎體。皆不融。是故不與方便品中妙權實同。壽量實相偏於三界。前之三敎體。皆不偏。是故不與壽量品中雙非義同。旣不下重判。但空於

80 1 2 3 4 5 6 7 8 9

10

11

12

13

14

15

16

17

18

19

20

21

化他中是實於自行中是權。三藏唯有一但真故。不但等者。若自他相對。但是他實。不但是自實。通敎真中有二實故。是故二教並非經體出二邊中等者。說中道故名爲自行。云出二邊故名爲權。此是判權實意也。從今經體去。正出今經實體。今經體者。此之體字。正指經體。體化他下兩體字謂體達之體。由開故達。故云體也。初文即是開丈六垢衣。垢衣正是示爲小乘化他權實。今開即是同體權實。纓珞長者體自行化他等者。不但空名自行化他權實。今皆開之示。以衣珠唯一。不但無更求於小乘衣食。故云無。

價珠在衣內如不但。猶求小果如但空同在一身。義當於共自行之權。猶存敎道亦違實相。今亦開之。無非實相。此等三教皆開及以世間資生產業。尚皆是實。況圓中自行而非實耶。標宗中二初標列次釋。釋中三初文是示。從然諸因果下第二簡從略。舉下第三結初文爲四。初釋名次所謂下依名辨相。三如提下舉譬。四總結初文可知。次文者先釋宗。次釋要。若開權顯實。無非自行。若爲實立權。故須化他。正指因果以爲宗。故次釋要者。以要釋宗。宗義雖明。要義未顯。故重釋之。還指因果偏攝。故云要也。次譬中云綱。

維等者。維繫也。網中之要。莫若綱維。衣角準知。故言下結。然諸下簡中二先郤。次取郤中二先迹。次本迹中先誠令通識。若無通識。安能別知。尚不下況也。餘因果下。正郤三教因果。何故。郤之各不能攝一切法。故藏通兩教以或同或異。故當教三人。因果尚別。況能各攝一切法耶。初三藏中。諦緣度殊。故因大異。俱斷見思。三乘微異。因果小同。次通教中。慎學般若。故因大同。同坐解脫習盡。不等故果。小異。次別教中。在因說理。不在二邊。名爲迥出。復說果理。諸位差別。故云不融。因不下重釋。所以以迥出因。不攝地前衆善。

登地諸位。互不相收。乃至果地萬德。互不相關。則非下正。明郤意。以非迹中自行之因。又非寂場證得之果。是故不名迹門因果。又簡下本門也。通簡迹中一切因果。若橫若豎。俱非本故。取意下次簡取先本迹。取中先明本者。承前簡郤迹文之後。便拂迹以簡本。承簡迹之後。取本便故。故在前明也。久遠者。必指壽量塵點方顯實本。如此下。明功能。初脩下。明取迹也。本宗如迹。故云此也。但可下歎迹。若本則非不退旨。略舉下總結。所取本迹因果也。標用中二。先標列次。釋釋中三。初文是示。從於力用中下二簡。從非

但下第三益初文二先釋名經有斷疑生信之力次
三種下正出用相不同宗體宗體唯獨在圓始終俱
經力用故至簡中自明第二簡中有法譬合初法中
自他相卽者立成體內之用故也故先明用相爲攝
機徧故須取化他及自他二此二必以自行爲力無
力則無用是故相卽譬中文引佛本行經揃力爭婚
品云悉達調達及諸王子爭婚瞿曇種種揃力瞿曇
爾時在高樓上觀其揃試是諸王子彎常人弓或滿
不滿一切諸弓皆悉不任悉達所彎淨飯王曰汝祖
王廟中有輪王弓堪任汝彎悉達得之滿彎此弓箭

勢一發貫七鐵鼓箭之餘勢乃至水輪乃至斫樹諸
王子斫或一或二隨斫隨倒悉達一刀斫過七樹而
樹不倒乃至擲象等此立用中示爲凡力未關聖力
力中之大不過悉達故今借喻此經力用昔三教及
近成力用如諸王子三合譬中二初略合次何者下釋
初略合方便敎之失以顯實敎之得次何者下釋
中二初舉昔顯失次舉今顯得初文者卽以法華已
前俱名爲昔竝用化他故昔敎中望今迹門則三敎
照理不徧故三敎人實信未生權疑未盡望今本門
昔經圓機亦名爲失是則四敎俱不知有本時之果

機
述

生信未遠近疑未除。今緣去正顯今得。言稟自行者約機極邊說必至佛自行方乃名得。約化主照機故通語自他極佛下正出用相通論本迹各有斷疑生信別論增道損生唯在本門。今從省要故以起信增道爲迹門。斷疑損生爲本門。極佛境界者祇是十如權實故云唯佛與佛。次益中云生身生身得忍等者地前住前爲生身。登地登住爲生身得忍謂生身中能破無明得無生忍也。言法身等着謂登地登住破無明捨生身居實報土名爲法身位居等覺名爲後心。若迹門唯益生身及生身得忍。本門進至法身及

法身後心所益通兼故云非但自垂迹已來受化者漸廣得久近益者功在法華標教中三意於中又四初標次一根性下列三教者下釋總名四云何下廣釋初如文列中三意者前之兩意約迹門後之一意約本門三中云分別者分別既是教相同異教相既通分別義徧即是分別融不融等乃至遠近四正釋中初文根性中爲二初明八教以辨昔次明今經以顯妙初又三初五味次不定三秘密卽八教也五味即漸頓故也漸中開四并不定等二卽爲八也初五味中又三初約五味次引同涅槃三問答料簡辨異

撰述

初文五味者還約華嚴日照三譬開爲五味問應還取涅槃本文何以卻取華嚴文耶非但數不相當亦恐文意各別答涅槃五味轉變而祇是一乳華嚴三照不同而祇是一日今演華嚴平地之譬以對涅槃後之三味數雖不等其義宛齊又涅槃以牛譬佛乳從牛出譬佛初說大乳出已後其味轉變猶成分譬故此下文義立五味皆從牛出未若華嚴日譬於佛光譬說教日無緣慈非出而出衆機所扣非照而照故使高山幽谷平地不同同稟教光終歸等照故用兩經二義相成

法華玄義釋籤卷第一

法華玄義釋籤卷第二

天台沙門湛然述

初文云何下至出乳味相者此文以華嚴說大未遊鹿苑詔之爲頓此是頓部非是頓教以彼部中兼一別故人不見者便謂華嚴頓於法華者悞矣下去準說初文牒譬厚殖下以感應合譬一往總以別圓爲厚頓說下明說頓意良由下說頓之由由相隔故言大隔小者小人未轉爲大所隔此如華嚴下結華嚴譬以同涅槃故云如也下去例爾約法去明機感相應得益以結部名約說下結說次第同涅槃譬次照

機述

法華文句解題卷第一

卷二

幽谷亦先提華嚴譬。淺行下亦舉感應以合譬。乃至法華文中皆有結譬同法。得益結名。結說次第。尋初頓教意以對下四味比說可知。唯三藏結部名在前。餘文或闕說意等。尋之可見。大雖在座等者。大人示迹隱在小中。多路是學行之相。娑耶是習語之聲。示爲三藏始行初教。而三藏實行者。謂之爲實。故云不識影臨萬水至方等者。至方等中具說四教。以未融故。故見不同。問華嚴鹿苑大小永隔。纔說方等則同。座竝聞者何答。若以秘密橫被無時不徧。若約橫論。豎則隱顯在機。佛本意在太。故遂本居初。然由一分。

漸機。致使聖慈未暢。前已專大。次復專小。今雖同座大小。仍隔。但小被大彈爲成生蘇。以此爲次耳。故知於創稟者。仍互不相知。故有此諸喻意。不同影臨萬水譬。現身不同逐器方圓譬。示土不同隨波動靜譬。說法不同。示一佛土至不共合譬也。從故見有下明機見不同。對前三相初見淨如梵王見穢如身子。開彼三相總引經文。兼約六根。明斥小也。見有淨穢。對前現土眼根也。亦應更云覩相優劣。已舉見土身必稱土。故不繁文。聞有褒貶耳根也。嗅有膚勗鼻根也。華有著身身根也。慧有若干意根也。唯闕舌根以襄。

撰述

貶兼之。若語身者應云如須彌山巨身也。始坐佛樹細身也。一根中竝一褒一貶尋之可見。又佛歎文殊淨名褒也。聲聞菩薩被折貶也。其例蓋多不能具記隨其心淨卽佛土淨入此室者不嗅餘香結習盡者華不著也。聲聞有若干其無礙慧無若干也。卽是褒貶之意。世人判楞伽或同華嚴或同法華真如止觀記已有二處引楞伽文判屬方等以彼經文具四教故有彈訶故。此中闕說意應云方等本折小彈偏圓無所間。又闕說由應云良由小未全轉致使五百聞大成斥復有義者華嚴經譬但云平地今離彼平

地以譬方等般若法華方等如食時般若如禹中法華如正中於彼義上更加二義故云復有言大人蒙其光用等者。菩薩大人蒙般若光諸法之用。二乘之人旣無此用是故譬之如七日嬰兒若視日輪令眼失光故名爲喪。外人暗證譬如夜遊菩薩利他譬如作務務者運役也。故文云下引信解聲聞自述以合嬰兒喪其晴明。一切智明於般若光無明全在義之如喪雖三人俱學下說意也。仍闕說由亦應云良由小稍通泰致使被加令說次譬法華中土圭等者。圭者累土也。故字從重土謂之爲圭。如宋嚴觀法師與

此太史官何承天。共論此土是邊是中。觀乃引周公測影之法。以一尺二寸土圭用測日影。夏至之日。猶有餘陰。天竺此日。則無餘陰。故叡法師云。如日方中。無處不南。此指中方無餘陰處。準此算法。地上寸影。天上萬里。若低頭若微善者。總結散亂小善之類。無不開之。以成佛因。以用合譬。同入一實。故無盈縮。不令下說。意亦闕說由。應云。良由大機已熟。衆無枝葉。致使一切佛知見。開若約法被緣名漸圓教者。此文語畧具足。應云鹿苑漸後會漸歸圓故。云漸圓人。不見之便。謂法華爲漸圓。華嚴爲頓圓。不知華嚴部中。

有別乃至般若中方便二教。皆從法華一乘開出。故云於一佛乘分別說三。故疏云於一佛乘開出帶二帶三。今法華部無彼二三。故云無二亦無三。又上結云華嚴兼等。此經無復兼但對帶。此非難見。如何固迷。又今文諸義。凡一一科。皆先約四教以約麤妙。則前三爲麤。後一爲妙。次約五味以判麤妙。則前四味爲麤。醍醐爲妙。全不推求上下文意。直指一語。便謂法華劣於華嚴。幾許悞哉。幾許悞哉。約說次第。名醍醐味相者。此五味教相生之文。在第十三聖行品末。佛印無垢藏王菩薩竟云。譬如從牛出乳。乃至醍醐。

80

1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

譬從佛出十二部經乃至涅槃問彼經自以醍醐譬
於涅槃今何得以譬於法華答一家義意謂二部同
味然涅槃尚劣何者法華開權如已破大陣餘機至
彼如殘黨不難故以法華爲大收涅槃爲捃拾若不
爾者涅槃不應遙指八千聲聞於法華中得授記
見如來性如秋收冬藏更無所作次引同中二初總
結同次引文別釋初言當知華嚴之譬與涅槃義同
者華嚴日出等譬與涅槃五味義同但有廣略之殊
故廣開平地以爲三譬譬三味也次引文證同中言
三子三田三馬等者涅槃迦葉白佛如來憐愍一切

衆生不調能調未脫能脫善星是佛菩薩時子斷欲
界結證得四禪如來何故記說是一闡提地獄劫住
不可治人何不先爲演說正法後爲菩薩若不能救
善星比丘云何得名有大慈悲有大方便佛言善男
子譬如有人唯有三子一者有信順心恭敬父母利
根智慧於世間事能悉了知其第二子無信順心不
敬父母利根智慧於世間事能悉了知其第三子不
葉白佛應先初次及第二後及第三而彼二子雖無
信順恭敬之心以慈念故次復教之如來亦爾其三

撰述

法華經疏卷第十一

多三

子者先譬菩薩次譬聲聞後譬闡提如脩多羅中微細之義我先已爲諸菩薩說淺近之義爲聲聞說世間之義爲闡提說今雖無益作後世因善男子譬如三田一者渠流便易無諸沙鹵瓦石棘刺種一得百二者雖無沙鹵瓦石棘刺渠流嶮難收實減半三者渠流嶮難多諸沙鹵種一得一又有三器一者完二者漏三者破若受用時先用何器又有三病人一者易治二者難治三者不可治醫師若治先治何者又有三馬一者調壯大力二者不調大力三者不調羸老王若行時先乘何馬合譬如前善男子如大師子若殺香象則盡其力乃至殺兔亦盡其力如來亦爾爲諸菩薩及一闡提功用無二故今文中初說華嚴如先爲菩薩次在鹿苑如爲聲聞方等已後大小普被乃至涅槃名爲平等故涅槃云功用無二經文雖列多種三譬意不別重列來耳日光無私高者先照後及平地非不照高從後爲言故云平地涅槃亦爾佛智無偏大機先被後及闡提通前後說故云平等三料簡中初問既以五味那同稱漸者問前五味教相味既有五何故中間三味皆名爲漸答意者祇以漸入故有中間更加前後故得有五從又若去重

80

1 2 3 4 5 6 7 8 9

100

1 2 3 4 5 6 7 8 9

撰述

以五句分別漸頓。且約一期五味相生則漸頓一向。
 若當部橫辨則漸頓互通。雖曰互通各有其意。故須
 更以五句分別初二句可解。然仍存略且以大小相
 對得作此說。若以別教當教之漸相對說者。應云頓
 中兼漸漸不妨頓。且爲成五句顯五味故也。若言漸
 中有頓則下方等句同。故略不列。且云一向初句華
 嚴也。次句鹿苑也。次句方等也。若以大破小具如弟
 子品以三教訶小且據調熟小乘邊說復有以圓訶
 偏如菩薩品復有漸中初入小行。如見土復穢得法
 眼淨及俗衆室外爲說無常以小對大故云並陳陳。

猶列也。相資卽般若也。相資之義後更料簡若會等
 者法華也。初句略出次句引證初云合者祇是會之
 別名。次引證中引不合以證合者。如疏云開爲合序。
 無量義既重序前開不久必合譬如算者下已必除
 今時合者今文更以法華意結次問下料簡中間般
 若可解答意者義兼方等方等則大資於小般若會
 中聞加二人爲菩薩說名小資大亦應云頓資漸互
 出無在次明不定文三初結前生後次雖下釋相三
 味味中下結初文者爲對秘密須安顯露之言故知
 通論顯露俱攝漸頓今於五味義後欲別明不定亦

撰述

法華經疏卷第

多三

是顯露故初標之以冠不定相異漸頓故曰不然雖高山頓說等者正釋也又三初正釋次大經下引證三一時下破古初文者此指華嚴不動不離而升而遊者此指頓後漸初不動於頓而施漸化此中古人多有異釋有云本釋迦不動而化身升天有云法身不動而化用升天有云不往而往往而不往故升故往近代藏法師四釋一約處一處中有一切處則天宮本來在樹王下但先未用此天宮處二者約佛樹王下佛徧一切處故樹王佛本在天宮先未用彼天宮佛耳三者約時樹王下時卽天宮時四者約法界

謂無自性此未必全爾前之三義何不論機而但約佛後約法界何故但云無自性耶而不云無他乃至無無因耶無謀而化感應道交非應而應非感而感何論時處身土性等耶雖轉四諦指鹿苑此指雖施漸化而不起於頓此二味既然諸味準此雖爲菩薩指方等般若彼二時中俱有小果新得舊得如常所明雖五人證果不妨八萬諸天獲無生忍此重指漸初對般若說前文約法此中約人得果不同證法不定應引大論顯密法輪義釋此中意故大論六十五云於闍浮提見第二法輪轉初轉法輪八萬諸天得

撰述

法華經疏卷第十一

多二

無生忍陳如得初果。今轉法輪無量諸天得無生忍。今轉似初轉。問初轉少今轉多云何以大喻小而言似耶。答諸佛有二種法輪。一者顯二者密。初轉聲聞見八萬及一人。諸菩薩見無量阿僧祇人得二乘無量阿僧祇人得無生忍無量阿僧祇人發無上道心行六波羅蜜阿僧祇人得初地乃至十地一生補處坐道場是名爲密故知初見八萬一人屬顯露攝秘密者如次明之又大論三十一云欲得一音偏十方恒沙世界當學般若論問若爾與佛一音何別答有限無限問若爾何故闇浮提人來佛邊聽法答佛有

二種音聲。一者密如向所說二者不密須來佛邊此據別說約體而論二義俱時故今文中相卽而說次引大經證中云或時說深或時說淺等名不定者以由彼此互相知故若秘密者卽如下文互不相知是故名密不定與秘密皆不出同聽異聞故名爲卽今亦淺深同席故著或言應問謂開其問端應遮謂置其所問亦開置同席故成不定三示相破古中先示相次破古示相中云一時等者從廣之狹時謂五味之一亦是一部一會說謂一句一言念謂一剎那頃具如前文不定教相此顯如來不共之力問此與方

撰述

清淨三藏經卷第十一

多二

等恐畏歡喜等爲有何別答。不定徧前四味。若直語方等但彈斥而已。旣以身土令物殊途正當不定般若亦然。思之可見。次破古中云不同舊義專判一部者如第十卷判教中云南北通用漸頓不定。不定者卽指勝鬘及金光明故今家判義味味之中皆有不定故不同舊專指二經言味味者乳中則約圓別相對以辨不定。酪中教門雖無二別乃與八萬對辨不定生熟二蘇三四對辨其意可見。次此乃下秘密爲四初結前生後次如來下略歎三此座下釋相四雖復下結歎初文可見。次略歎中云若智若機等者智

謂大聖權謀機謂不同次第不擇時處身口意密隨何四門無礙自在適時稱會皆無虛設。三正釋相中且寄三法以出其相何者以此三法對祕密故則化儀四教文義整足任運攝得三藏等四於中復二先約三說相對次約說默相對初三說中二先約十方相對次或爲下於一方中多人相對一方旣爾十方亦然。二文各先正釋次各各下結次約說默相對中亦應具有十方及人二義不同無人相對者文略而言俱默俱說者理合如之前三法相對準此亦應云俱頓俱漸俱不定文無者亦略旣云俱默俱說互不

80 1 2 3 4 5 6 7 8 9 10 1 2 3 4 5 6 7 8 9 10

撰述

法華經疏卷之二

多三

相知名之爲密何妨俱頓互不相知各各下亦結也云互不相知者前文但云於此於彼者亦應互說舉一以例驗知不定與秘密但有互知與互不知以辨兩異此中顯露亦義通餘七以秘不出此七故也故前文云顯露漸頓及顯露不定故七竝是顯露意也若爾何妨法華亦與諸教十方一席互爲顯秘而云法華是顯非秘密耶答十方容有一席定無言容有者何妨餘方未宜開權廢近等說則彼不知此若此間法華席中初發心者及人天被開豈可盡知十方世界開與不開然已聞法華本門施化非適一世縱不現見亦可比知開不開相義當於知況同居分身寂光地涌覩已咸信一道無偏不同華嚴云是眷屬大集亦無分身之言般若但云問者加說名字咸同故知此經與餘經異顯密意別思之可知四雖復下結歎中三初舉廣以歎次但可下許證附理故可知言說依事故莫辨故知證一照極略得大猷言不累施卒何可具雖復下覽言說以從意故意不出漸等次明今經爲二初總明敎顯勝次明約迹顯勝初文云今法華是顯露等者對非秘密故云顯露於顯露七中通奪而言之竝非七也別與而言之但非前六

撰述

法華經疏卷第十一

卷二

何者七中雖有圓教以兼帶故是故不同此約部說也彼七中圓與法華圓其體不別故但簡六此約教說也次言是漸頓非漸漸者具如前判今法華經是漸後之頓謂開漸顯頓故云漸頓非法華前漸中之漸何者前判生熟二蘇同名爲漸此二經中亦有圓頓今法華圓與彼二經圓頓不殊但不同彼方等中三般若中二此之二三名漸中漸法華異彼故云非漸漸耳人不見之便謂法華爲漸頓華嚴爲頓頓恐未可也是合等者是開權之圓故云是合不同諸部中圓故云非不合合者祇是會之別名此卽已當約

藏等四以簡權實故不復云是圓非三既知非是法華之前顯露已竟則了法華俱非七教此卽對於八教簡也如此下顯迹可知次約化道中二初正辨異次指教誠證初文爲五初重舉餘經以對辨次此經下正明今經意且指迹中大通爲首雖寄漸及不定不以餘教爲種故云巧爲結緣已後退大迷初故復更於七教之中下調停種復云巧爲所以中間得受七教長養調伏因調而熟名爲調熟調實未熟因中說果是故云也又以下明今世復以七教調伏令至法華得度故云度脫也竝脫等者約多人說於彼是

80 1 2 3 4 5 6 7 8 9

10

1 2 3 4 5 6 7 8 9

10

1 2 3 4 5 6 7 8 9

10

撰述

法華經疏解卷第

卷二

種於此是熟互說可知是故云竝及番番不息此卽
結初及以中間今日等相故更引涌出助顯迹文故
云大勢威猛等也此涌出品中三世益物之文大勢
威猛卽未來師子奮迅卽現在自在神通卽過去此
中略舉未來一文而總通三世故世時念世時念皆
有種等三相故也次指信解者卽信解中云又以他
日於牕牖中卽指法身地鑒機久矣故此一語卽兼
三世益物之相又信解具領一代五味則知三世五
味竝然義須兼於述成之文以述成中先直述所解
次明領所不及則十法界七方便等皆得五味之益

卽其意也餘教無此故不同之次又衆經下本門爲
五初正明本地長遠次補處下舉不知之人以顯長
遠三經云下引壽量證因聞方知四慇勤下引迹門
歎意以證長遠難聞五當知下結初文又二初正明
次衆經尚不下泛引衆經況出遠相初又二初師次
弟子初師中二先引昔經以自證爲實化他爲權次
今經下明今經一體權實久久已滿迹中三千界墨
點尚已爲久今本中五百億塵界故云久久又一節
已久況節節相望故云久久次諸經下弟子中亦先
引昔二乘猶住小果故云不入豈能化他故不施權

0 1 2 3 4 5 6 7 8 9

10

11

12

13

撰述

法華經疏卷第二

多二

次明今經如滿願等先已入實說法第一。故先解行
權。次況中亦先舉昔不說道樹之前一節兩節故云
近近爾前一節兩節望今尚近況無中間遠中之近。
故云近近次況出今經言遠遠者祇是久久又言異
者約時長短爲久近約所行處爲遠近成已化迹爲
所行處俱有二意故互說之次不知之人中云補處
數世界不知者如壽量中五百億那由他阿僧祇三
千大千世界盡抹爲塵復過爾所世界乃下一塵塵
數已多況下塵不下塵界寧當可數下塵不下塵界
尚不可知況界中塵寧當可數況如塵數以一塵爲

一切佛成道來復過是數億阿僧祇未發迹來彌勒
不知雖發迹竟補處智力不知界數況知塵耶所以
開迹顯本皆入初住故云作佛本門發迹於果不疑
故皆發願求此實果故云願我於未來說壽亦如是
三引證者近以迹門尚得爲昔況伽耶已前已被開
者自是一邊若據未曾開會者自退大已來小起已
後皆名爲昔四引迹門歎者方便品初雖近歎五佛
權實意實密歎師弟長遠五當知下結一向異七番
共解中初標五章竟

次第二引教證五章者又爲二初引二文通證五章。

次引藥王別證教相。初文又二。初正引二文。次所以下。明引二文。意初文二先。明序品次。明神力。初文自爲四。初證名中二。初證正名。次何但下略引同。初文者彌勒初以伏疑潛難。文殊因以潛釋伏疑。難云。四衆忻仰瞻仁及我世尊。何故放斯光明。文殊釋云。我見等也。次引同中言何但者。何但如文殊引二萬燈。明同爾。大通及五佛。其名咸同。問大通名同在文可見。五佛章中未聞其同。答釋迦旣名法華。餘之四佛竝云亦以故知同也。況妙法極權實一體。四佛皆云爲令衆生得一切種智及開示悟入佛之知見。故下

釋云。開示悟入卽其文也。名同義同其意在此。次文云。引證經體中總引三文。引今文者亦是文殊釋伏疑中釋體疑也。今是今佛之文。餘二竝是燈明之文。故云古也。次文證宗中二。先引次卽是下釋。初文亦是文殊釋伏疑文也。次釋中先約迹。次約本。迹門約弟子。因本門約佛果也。師非無因。弟子有果且互舉耳。次文云下證用中亦二。初引次釋。初文二初引釋伏疑文正證。次引方便品略開權文以助成卽化。終爲久。次釋中前引經文。但云三乘。以三乘義含故。今釋出。若五若七。但是開合異耳。五開人天七開菩薩。

0 1 2 3 4 5 6 7 8 9

10 1 2 3 4 5 6 7 8 9

10 1 2 3 4 5 6 7 8 9

九合菩薩復開四趣。若不開人天四趣。斷九法界上
佛法界。疑不盡。問若爾。經何不說答。餘趣會實諸經
或有一乘全無。故合菩薩對於二乘從難而說。釋據
盡理。故須論九斷此等。疑生一乘信。次引神力品。先
列經次釋。一切之言。卽權實相攝。相攝故妙。內用自
在。故除疑等方偏卽自在神力。具含三千通攝三德。
故名爲藏。爾前非器不授。斯要甚深之事者。因果名
事實相。名深是實。相家之因果名甚深事。若非此因
果。則非今經宗也。次重引法師品者。助成二文耳。非
無餘文。所以但引宗文。助釋者。聖人垂教意在脩行。

故名體用。教以宗爲主脩行。莫過因果。故也。次明引
文意中所以引二文等者。序及流通於中。又二。先正
明引用。所以次明不引。所以初二文之中。引其要意。
燈明佛事。謝在過去。其事已定。故文殊引來釋。彌勒
之疑。今釋迦佛說本迹竟。總撮樞要。付諸菩薩。次中
間下。明不引意。又二。初正明不引之意。次若引者。下
釋疑。初文者。當機廣說一部之文。居於序及流通之
中。故云中間。凡有所說。豈過能詮名及所詮體。并依
體起用耶。故不俟引之。次釋疑者。恐人疑云。廣說雖
爾。豈無略要。故引顯實。四一而爲釋之。先引。次釋。釋

撰述

卷二

第二章

中云言大事者諸佛出世本在開權故名妙法。佛所知見卽是體也開示等四疏文四釋今且用約位一釋開卽十住真因也入卽十地真果也又開等四位真因也直至道場真果也若爲令衆生至七方便非今經用開佛知見方屬今經又爲大事因緣故證名者上文無數方便種種因緣是權是法非思量分別之所能知是實次所以者何去釋云諸佛世尊唯以一大事因緣故出現於世故知出世本意意在佛乘佛乘方得名爲大事當知佛乘祇是妙法故可證名次又釋云云何名爲至佛之知見當知大事是能詮

名佛所知見卽是實相證理明矣取能知見開示悟入始從初住終至後心證宗甚便次引藥王中爲二初正引證次引諸下以四例教初文二先引次釋初又二先總舉數去取次列初文者藥王品佛爲宿王華說十喻今但引六者餘四望六猶成分喻是故合四在此六中何者以輪王釋王不及梵王故合入梵王喻中五佛子及菩薩不及於佛故合在法王喻中次列中經中一一皆云此法華經故知歎教今此列文略出名耳次釋中一一文皆先舉譬次釋譬經中譬文廣合文略但云法華亦爾最大最上最明等耳

撰述

法華經疏卷第

多二

今出譬則略合文稍廣準經望之可以意得海言德者德者得也得衆水故萬善合萬流佛乘合一鹹不合江河川流流通三處應云三教各有所歸而不及法華也次山譬者經中具列土山黑山小大鐵圍及十寶山以比須彌今文略無但云四寶者從所比說餘山竝無四寶故也天居四寶頂如醍醐在四味上反以四寶譬四誹謗天居其上如教離謗也四謗如前金剛藏意又更卻以四寶譬位一根緣等以譬諸天諸天不離四寶山故若盡消經者應以土等四山如四味須彌在十山之內而最高如佛界在十界之

內而最勝次月譬者實如盈權如虧同體權實如月輪無缺會漸入頓如月明相漸圓故知前標教相中云是漸頓者與月譬意同經中以星比月天子雖舉天子經合既云此法華經最爲照明故今但取圓亦兼以明爲譬次日譬中復加燈炬星今合日譬中但云破化城故但取日明能映諸明故耳若更合者亦可以燈等四譬二乘及通別菩薩竝與無明共住故也故次重引中略舉星月而除方便故知方便所收復廣次梵王譬中經云如梵王爲一切衆生之父今亦能生一切諸教故也今文但云自在者以對簡二

80 1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

撰述

法華經疏卷第十一

多二

王非自在故耳。輪王地居如俗釋王居天如真梵於三界如中。若真俗自在中未必自在。若中自在真俗必自在。故以今經譬於梵王。文中便簡歷別中道亦非自在。且約教道故知梵王兼譬二中。今譬圓融故云最也。次法王譬中五佛子經文自列四果支佛此等所說不及佛故次例又二先例四可見次非但下結

三生起中爲五初釋名次明生起意三肇師下正明生起次神力下明生起所依不同五今之下正明能依所從初如文次言麤細者明五章次第也。凡生起

者或從麤至細或從細至麤但使不亂皆名生起。今之五章是從麤至細能詮之名於中最麤是故居首所詮之體次細於名是故居次體但是理取理之行莫過因果是故居次因果之宗雖細於理自行因果猶是總略用是益他兼於權實逗會衆生久遠根性故細於宗教相既是分別前四故細於四所以居後是則展轉遞爲生起三正明生起者既言展轉名既居初復從何生則名從理出初引肇公意者法本無名名假無實故云名無召物之功物體性空無應假名之實名實俱無但真諦意耳。今論世諦故須辨名

撰述

卷之三

三

理雖無名假名顯實是故須立妙法之名以顯本迹
 妙法之實問名既依理理復依誰答理性無體全依
 無明無明無體全依法性理徧一切而無所依是則
 名之與體互爲因依名即是體文字解脫色爲法界
 等云四所依中三謂神力等言約教及行者但以
 用居第二第四爲異耳餘次第同然約教中以妙法
 爲在纏之法故云欲說此法若約行中以妙法爲能
 詮之名故云聞名故推理雖譚經玄義而前四章屬
 行故且從行說若教若行俱須判教方顯妙旨故教
 行二途竝判教居後教行竝以體前而宗後者若說
 若行竝須先知體而方辨因果故也開示亦約行準
 序可知若不開權妙名不立餘如文所以神力品已
 去判前引證各有所以神力約教故先名次用次體
 次宗序品約行故如文中所立次第又更重引開示
 悟入助成序品下去凡言云云者如止觀第一記中
 次開合中爲四先標次明開合意三凡三下列四初
 釋下釋釋中文自爲三初五種者始從事理終至說
 默祇是自行化他之事理耳然五章玄義亦不出自
 他事理今更以此事理等五雙橫判五章以一一雙
 皆攝五章故也雖自他事理稍同而一章則不攝

標
述

法華文義卷第二

多
二

五雙故知法相文義各別。雖竝攝五章而五雙生起次第宛別。由有事理故有教行。由教行爲因故感於果。由因果滿故能化他。由他機異故宜說宣默而釋名。恒通教相分別體徧無偏祇。由宗用對五雙殊因茲成異十種者。謂道識性般若菩提大乘身涅槃三寶德。如下三法妙中釋。又若以蓮華喻三軌者。蓮譬真性。華譬觀照。鬚譬資成。乃至九三例應可見。若爾前五雙中釋名總於五雙當知亦可以蓮華鬚三對彼體等一一釋之。可見次料簡中合十二重問答。初三重料簡名。次一重料簡體。次一重料簡宗。次五重

宗用對簡。次二重都簡五章初問意者爲實施權。權不離實。乃至開權顯實。實不離權。廢權顯實。權若廢已。權實不二。豈不墮因中有果耶。答意者。因果名同時與教異。外人因果既爲初教所破。尚非三藏麤因。麤果況復通別。況妙因果耶。新舊醫如餘文說。次問者。此問依前答生前答妙因。妙果因果俱時。華果體卽小乘屬權。權亦卽實。菴城亦小何不卽耶。若破菴城則無華。唯蓮破權方實卽義。安在答小乘是化他乃至喻耳者。且約初說。小隔於大。是故云破以大破之。故云須破自行。卽是體內之權。故以華喻然化他。

撰述

法華經疏卷第十一

多二

之權據佛本意竝屬自行。又初約施權故屬化他。今論開權故屬自行。施開被緣其理不二。七譬者一火宅。二窮子。三藥草。四化城。五繫珠。六頂珠。七醫子。須以七譬各對蓮華權實之義方得顯於總別意耳。何者。蓮華祇是爲實施權開權顯實。七譬皆然。故得名別。如譬喻中。初設三車是施權。後賜大車是顯實。窮子中雇作已前是施權體。業已後是顯實。藥草中三草二木是施權。一地一雨是顯實。化城中爲疲設化是施權引至寶所是顯實。繫珠中得少爲足是稟權。後示衣珠是顯實。頂珠中隨功賞賜是施權解髻與。

珠是顯實。醫子中非生現生非滅現滅各有形聲權實二益生滅迹也。非生非滅本也。故前六約迹後一約本。故知蓮華總譬本迹權實本迹同異之相具。如後簡故知但語蓮華則兼別矣。次問體者。此問準文及理爲問。一切諸法皆是法界無非實相。則諸法皆體。何意簡權答意者。若爲實施權未識經體開權顯實。實如所問。廢權顯實如前所用者。謂約廢說則簡權取實以爲經體。何者。廢已無權。簡於爲實施權之權。如前標體中。簡於自行化他及化他體。故云如前所用。次問宗者。宗猶尊也。主也。如國無二王。何以用

二法爲宗耶答意者因果雖二而不二也以單因單果不獨成故有果可取因爲果因果若有因果爲因果故知能辦藉所爲期所辦藉能而顯如臣辦王事王能理臣君臣相藉共經一國異類爲譬其理亦成況下文日月綱天等譬文意可知又引本迹文證具如下引問論宗去以用難宗論字平聲論宗旣取自行論用何故俱取自他答如文此下諸問對簡者正爲簡用兼爲顯宗問用是化他等者牒答重徵宗是自行旣不取化他用是益他應簡自行答中意者若自破惑但用實道名爲自用自必簡他若破他惑他

宜用大亦名爲用是故化他不可純小是故亦用自行權實若用於實卽以此實自利利他次立意者宗是因果亦可示他名化他宗亦應俱取化他因果自利利他何故簡他唯取於自答意者化他因果非一乘宗是故不取立意者因果屬宗何不亦以化他因果共爲經宗而利於他答意者宗屬自行唯求佛果尚不取自行化他況以化他因果而自行耶以化他邊卽屬用故次立者用中亦不應俱取答意者化他漸誘事不獲已是故取之間宗用俱明智斷等者正由向文或以宗難用或以用難宗恐法雜亂故須此

0 1 2 3 4 5 6 7 8 9

10 1 2 3 4 5 6 7 8 9

10 1 2 3 4 5 6 7 8 9

問宗是自行用是化他各有智斷爲同異耶。此文正問宗用智斷然下答中於自於他各有智斷。宗是自行用是化他故也。故以宗用釋於自他智斷不同得名各別。前文既以自行爲宗化他爲用。今此自他各有智斷乃成自他各有宗用。宗雖有用用屬於斷。此乃名爲宗家之用。自他智斷俱爲宗者自行以智德爲宗化他以斷德爲宗化他智斷俱爲用者以自望他智斷俱爲智以他望自智斷俱爲斷文從以他望自而說是故單云化他智斷俱爲用也。次總料簡五章者。前是料簡四章已竟初問答可見從問經經去。

復似料簡教相。教相祇是分別四章。四章若異教相亦異。故云經經各異。以教對四卽是料簡五章故也。若經經各立則名義俱別。故云得別失同。今名同義別。故云得同不失別。觀心者初示用觀處。七番共解已釋五章。會異居後今所未論。故總將第六觀心一章以消前五令一一文俱入觀門。然須細釋令成妙觀。問若爾何不以此觀心之文居於第七以消前六答。會異文廣故不越之所以會異文中自立起觀一門則全悉檀體是於觀不假附事而爲理觀依前文起自爲五段。初約標章者復爲五章。初約標名中言。

幻僞者幻僞之名通於偏圓如二十五三昧中有如幻三昧仍義通圓別今從圓說一心三幻破一心三惑理惑體一境智如如適言下觀法心性觀之但有名字言有則一念都無況有十界質像也言無則復起三千慮想況一界念慮耶不可以此有無思故則一念心中道冷然故知心是妙也妙卽三千三千卽法法故三軌故云可軌此之心法非因非果此舉因果所依之體能如理觀此語能取因果之觀故得名爲體家之宗用者但是宗體功能因華果蓮可以意得是故名中本含三義由一心等者研一剎那旣成

觀已卽以此觀復觀後心後心成觀所復成能後後相續名教餘心經是被下之教故觀下惑名經次別約體中心本等者祇是實相雙非有無雙非生滅轉釋有無初觀下宗也以觀下用也惡覺之名不局於淺不起之相意實在深故得觀心爲今經用心數下教相教相分別故云同異分別此教無不會實故云而轉次引證五章不得率爾從近而解次約生起中以心觀心名也境體也觀契因也得脫果也此因果宗也令餘亦脫用也分別王數是教相者心旣是妙王數亦妙妙而分別故屬教相次約開合中約十二

標題

卷之二

三

緣一念爲總別卽三道者卽十界三道。以下文分別約十界故分別文中言教相兼於開合者。祇此教相一文兼前開合約分別邊名爲教相祇一生滅名之爲合。離爲十界名之爲開。次料簡中不復料簡五章但簡用觀之意又爲二。初約根性不同次又論下理須具足。初文中云爲信行人等者如樹一根開衆枝葉於一實相開無量名。若爲法行以身喻身能喻所喻皆生觀解。次文又四先引三論次引兩經三何者下責失四若欲下示得初文大論四句評聞慧者具如止觀第一記此四句中具舉得失第三句得餘三

竝失次引百論單引兩失云百論有盲跛等者百論外人計云若神無觸身不能到如盲跛二人相假能到內破曰盲跛二觸二思惟故是故能到身神無二故不能到今借喻邊相假能到不取所計神我及身今言盲而不跛如有行無解跛而不盲如有解無行若解行具足猶如二全次引牟子雙失顯得云牟子有說行之義者如止觀第一記以此二喻例釋大論四句可知次引華嚴及今經可知次何者下責失中以言教之風吹無室之燈室如定也照於理境諸法不了且略舉一慢應具足諸惑執妙教之刃傷智照

80

1 2 3 4 5 6 7 8 9

100 1 2 3 4 5 6 7 8 9

100 1 2 3 4 5 6 7 8 9

之手。若但暗證觀心之人。起憎上慢。前是我慢與此中別。抱暗證之炬燒勝定之手。若欲下示得爲二。先示次結初文先略示次釋六卽脩心下結。又二初結次益眼明慧閒隔字爲對。所益蓋廣。何得不以觀解五章之文令眼智具耶。

釋會異中二。先問起次答出。答中自分二。前對五章次解四悉。初文又二。先對五章云名該一部世界亦冠於三者。如五重玄義名最居初冠於一部。部內不出體宗用三世界亦在四悉之初生善等三不出世界是故同也。此竝須以圓妙四悉方同此經五章意也。次問答料簡中二。初一問答明四悉五章次第不同。次一問答明經論不同。初問可解。次答中四。初雙標兩根次釋對利鈍。三五重下判不同。四對義下結酬次問者。若以大論四悉通大品經五章可爾。何得將通法華經耶。麤妙旣殊。通義安在。中論通申用之卽是何不用耶。答中先申四悉意。次還用通申以申今意。言中觀者謂觀中之觀。名爲中觀。故用所觀以申於體。能觀因果以申於宗。所以引纓珞助申論者。破立之義與用義同。利益衆生具貢。破立復同用也。論有下次引論意同經別。以三字申三章竟。次中觀

下總以三字共申於名。文闕教相。教相祇是分別前四意思之可知故不別釋。更復以論四句申者。論題是總故總題中含於三觀。其如止觀第五卷破古師中意兩論正申五章也。經但助成。

法華玄義釋籤卷第二

法華玄義釋籤卷第三

天台沙門湛然述

次解四悉中列章別釋。初標列十章通亘一代。於中爲二。前七章通約諸經。後之三章獨今經意。前七又四。初二正明悉檀。次二名義同異。次二所起功能。次一自證與利他得失。初二者前總名。次別相。次二名義同異。中初一名有同異。義一向同。次一名一向異而義同。次二初凡夫起觀聖人起教。次唯聖人說默。次一凡聖得失。次後三中初二明今經意。後一明今經文。於前二中初一判權實。次一開權實。得此意已。

80 1 2 3 4 5 6 7 8 9

100

1 2 3 4 5 6 7 8 9

100

方知一代悉檀不同。雖前七門義及今經妙未獨顯。別明當部故有後三思之思。之初釋名中三初汎引古師次引論破三引南獄正解初如文次文者先引地持證謬次正破謬初引地持四優檀那者彼第十七菩提分品云餘之一切所行所學悉入三三昧門所謂聲聞所行所學有四優檀那法諸佛菩薩爲衆生故亦說此四謂一切行苦是優檀那法乃至涅槃寂滅是優檀那法諸佛菩薩具足此法復以此法轉授衆生是名優檀那過去寂默諸牟尼尊展轉相傳是名優檀那增上涌出乃至具足出第一有是名優

檀那論文無經字但題云地持經故今引云經也。地持此四名爲印者如下所引大論所明法印不同大乘一印小乘三印此地持文雖是大乘欲明所攝之法及爲初行菩薩且脩此四四祇是三更立苦印故爲四也二印印生死一印印涅槃生死以無常爲初印無我爲後印又名爲宗故知此與四悉名義全別印是下釋印義教行兩文不同說屬世智故云世智所說問約教約行俱云傳授有何差別答教是所傳之法故云佛菩薩具此法行是能傳之功故云經過去寂默諸牟尼祇是佛佛皆有化他傳教之行增上

撰述

卷之三

三

等者竝是歎釋宗義故也言第一有者謂三界頂此有難出故云第一居極頂故復云第一次彼明文下正破如此下例破南嶽下正釋可見二辨相中二先引大師釋次私釋初文四悉自爲四段初文二初釋次料簡初文中言世界者謂五陰差別界入亦然次文者若無下問人者下答第一義下問答下答也外人下因釋外人橫計不名世界不達差別但總計我無因謂自然邪因謂梵天此四悉文全出大論爲人中三標釋結釋中二初正釋次如雜業下立傍正相以釋疑初文云或聽不聽者聽謂聽許雖復雙舉

意在於聽聽是所宜宜卽生善次釋疑者恐引此爲疑生善文中復有破惡者何耶於中先出相狀次正判初文言如雜業等者文引二經云如經中說以雜業故雜生世間及更有破羣那經問此二經云何通答有人不信罪福墮於斷見斷彼疑故說雜業等若計有神我墮於常見如破羣那來問佛言誰受若佛說言某受更增其邪是故不說受者觸者但說無觸無受此之二人雖有此疑機在生善次此意下正判傍爲二人不信罪福破其斷常正爲二人令生善根故爲人中非無破惡但有傍正故云正爲生善傍爲

破惡三對治中亦標釋結釋中二初辨有無次對治下正釋相初文中云有法對治則有等者。有能治所治故名爲有第一義中旣無能所故云則無此中實性但是對辨爲顯對治有能所耳次結中云說此法藥等者通論四悉無非法藥今從別說從對治邊立名便故且作此說次第一義中亦標釋結釋中二初立二種不同次不可下釋二種相初文言有二者意說今文言第一義者從教法邊正當可說不可說者當內證邊非今文意故須辨異初釋不可說中初正出相次引論證初文者證法無憑須寄人辨故云諸佛等所得之法所引偈者亦是論第一義文中引之初之二句明證法功能能離言說妄想故也次二句者明所證法體上句正明法體次句引例況釋如過去諸佛所得涅槃不生滅法在我身中說諸下一偈與世界互辨前明世界亦與第一義互辨故今亦然次可說者正明今意四句皆實故無非第一義也佛於下引證此亦是一家明四門入實者判也謂一切實等四句次第以對有等四門上皆名等者入實也故中論下證入實意謂爲利根故也快馬見鞭影如止觀第二記若聞下結反以無結有故云豈第一義

80 1 2 3 4 5 6 7 8 9

90

100 1 2 3 4 5 6 7 8 9

100

撰述

卷之三

三

耶。十五番者。又二。初正釋。次問下料簡。初文者。總十五番。謂一事理。二假實。三善惡人。四善惡陰。五善惡法。六三世。七內外。凡八見脩聖。九凡及聖。非學非無學。卽凡位也。十至十三。四悉各爲一番。十四以四悉通爲一番。十五別約四諦。此十五番爲欲令人了。四悉義徧一切法。若得此意觸境皆成自行化他法。皆具足。然須細釋。此十五番皆使順於歡喜生善破惡入真。又此十五番雖趣舉一法。不無次第。於中爲四。初之六番。約所觀人法。次內外。凡下三番。約能觀凡聖。三五番。約所施方法。四一番。約所觀諦。非所觀法。

無以成能觀人。非能觀人。無以用所施法。非上三故不成於諦。諦是所觀義通能所人法。迷悟故也。今略出相狀不可具記。初事理者。名通迷悟因果等法。今且在迷爲迷說。於事中有理而理異於事。直聞此法心生歡喜屬世界。聞能生善破惡入真。卽屬後三假實異故。聞復歡喜。卽屬世界。輪等譬實法車。卽譬假名。五陰及人。共譬和合有人也。從人邊說。卽爲人論。旣云或說。有人無人。人能生善故也。單說實法實法虛幻。可以觀治雙非。下明第一義論中旣云言語道斷。故云雙非。卽第一義故。一一悉竝引論證。此假實

攝述

卷之三

多三

相對爲一番。次單約假人。次單約實法。從外凡陰生內凡陰以內外凡陰破三界陰無漏卽初果等陰。雖有內外等不同。然陰終是所觀之境。次問下略料簡初問者人名既通。何故生善獨得人名。答意者惡是所破非所爲故。不立人名人能生善非無惡人。次問者生善唯在爲人。何故令人破惡答意者有傍正故得名不同。次約三世中來世是爲人者爲人本生其宿善現種微善當來可生以當望現故現名宿若治現惡名爲對治可見。次約凡位者以四善根內用對於外凡名內外異煥法已去善陰漸生義當生善總別念中以無常等治故云對治。以第一義通初後故凡位中亦得通用。次約聖位者見道生理善脩道治事惡旣純約聖位故聖位中極方名第一義。次凡聖共立雙非卽是内外凡位。次世界下料簡釋疑非十五番數。由前文云世界中無第一義。今問爲人對治爲有第一義第一義有三耶。故今文云展轉相生。由觀世界故生善由生善故破惡由惡破故見理理中則無世界等也是則善生惡滅若互有無終不見理。次約四悉各立四悉者還引前大論本文文自各具故作此釋。次通以四悉作者問。今四悉相異以爲世

界容可異前下三通三與前何別答前一悉各四。返十六人今四通四但對四人法相雖爾在人不定或通或別或一人具四或三二一或多人共一或二三四若隨所宜始終而論何人不假聞法歡喜生善破惡見第一義耶。但根有利鈍或超或次耳。約諦中能治屬人故料簡如文三釋成者問大師淨名疏中云世人多以經釋論令人謂論富經貧今以論釋經令知經富論貧此中何以將經釋論答言釋成者以義同故引來相成令論意可識非謂將經解釋論也況復此是申經別論於理無傷於中爲三初來意次列

經三樂欲下正釋成初二如文正釋成中前二名異義同須會後二名義俱同不會初二爲二初世界爲三初明得名不同卽是名異次引證三佛經下正明相成初如文引證二文文雖似因意兼因果善惡果也欲卽因也果以因爲本佛道果也淨名本文謂行於非道今以欲名通於深淺道體無欲欲能爲因三釋成中因必得果故以因成果次爲人中四初名異次論云下引證文似單證化主意兼行者所宜聽不聽屬化主宜不宜屬行者三如金師下引事金師之子等如止觀第五記四經舉下應必待機故以機釋

80 1 2 3 4 5 6 7 8 9

10

11

12

13

14

15

撰述

卷之三

三

應四對諦中二先別次總別中二先略次廣略中言如前者如前私釋次廣者前不分教故略今教教具故廣總者以一一悉同對四諦五起觀教中二先觀顯次文者又二先次第次一心次第中三觀爲三初空觀廣餘二觀略初中二先釋次結釋四悉爲四初世界中六初標次先觀下觀境三此法下明用世界所以因內緣外因親緣疎親疎隔別卽顯世界意也四若不下正明觀意五必須下勸忻數字音易亦音度也厭也六結如文爲人中三初明爲人意次若

宜下正明生善止觀各三隨一可辨三是爲下結三對治中三初明治意次正明用治亦隨一可辨三若善用下與爲人對辨四第一義中二初正明第一義不得三悉之相故云如失此是證前第一義相次卽依下由此是證前第一義相故云發真餘二觀及一心茲略次起教中二先不可說約理理卽向來脩觀所證故不可說次又下明可說說卽教也初不可說中二先通次大經下別先通文中初引大論義通諸教次淨名下彼經義在於圓雖有此義以不分對諸教直言不可說故屬通也生生等十因緣如止觀第

五記次可說者爲二。先明說因卽十因緣所成衆生次正明說又二。先經次論先經中復二。先四教次十二部。初四教者起教祇是轉法輪耳。卽是四佛當分各轉當教法輪亦應對於頓漸秘密不定。但是文略次約十二部中三先標次釋。三大論下指論證成釋中先四教次五時先四教中文相可見細論不可具盡前別教中言仰覆世界等者具如華嚴常寂光者普賢觀云有佛世界名常寂光毗盧遮那之所住處眼耳鼻舌皆是寂靜門。如止觀第二記次起論中四初明所依三昧次菩薩下造論意三天親下正出論

相四又五通下明論所攝初文云摩得勒伽此云智母菩薩入此智母三昧作論申經令法久住故云正法得久住禪。故地持九種大禪中第八此世他世禪復有九種第七造不顛倒論微妙讚頌摩得勒伽爲令正法得久住禪次造論意可見地持釋華嚴十地品此下一代四時皆有論申唯方等部未有別論可以唯識通用申之無性之文全同敗種故也五百羅漢造毗婆沙如止觀第六記通攝世間有漏法輪中云五通等者。明服餌長生等釋居欲界唯說十善梵居色天故說出欲此且據迹文依華嚴等經本是苦

薩云文行誠信者孔子四德也。定禮樂刪詩書。裕猶益也。饒也。昆者爾雅云後也。周人謂兄弟爲昆季。昆兄季弟。裕字亦作袞。有德者賞義同生善。背叛者罰義同斷惡君臣道合似第一義。六說默中二初明默次問答料簡。初文又二先明來意。次正釋。初文三初引教雙立次聖說下簡示三假令下明默意以自證法不可爲他說故次正說中具約五時。茲約當部具教多少以大經四不可說而帖釋之初文可解次三藏中云陳如等者大集云甚深之理不可說。第一義諦無聲字。陳如比丘於諸法獲得真實之知見。大

集無言菩薩者第十三云王舍城中師子將軍產生一子。尋有天來作如是言。善男子常應念法守口慎言。童子聞已不復啼泣無嬰兒相乃至七日眼不視瞬。是時有人語父母言。是兒不祥症不能言。父母答言是兒雖復症不能言身相具足當知是兒必有福德。因爲立字名曰無言年至八歲人所樂見以佛力故與父母眷屬往至欲色二界中間寶坊之中見釋迦牟尼并見十方一切諸佛。因身子問廣現神變說偈讚佛等。今謂此之無言即是契理。大品不可得者第十經橋尸迦白佛言菩薩行般若時知一切衆生。

心不可得。乃至知者見者色乃至無上菩提悉不可得。何以故。般若不爲得法故。一一文中皆云諦者。諸佛所說無不依諦。以四諦中世出世間因果具故。縱長途散說四諦之中必在一諦。料簡中二問答。初問可知。由前文云。竝是三乘所證之法。以自利利他俱有默故。故須問起答中具出四悉勝比丘對破馬鳴者相傳釋云。馬鳴未有大信之時來至勝比丘所。自立宗云有言者。屈斬首以謝。比丘便默。馬鳴久久乃至云。比丘於我有屈故默。不言比丘猶默。於是馬鳴便出其門。自思惟曰。本我立默。彼竟不言。而我有言。

乃成我屈。郤至比丘所求自斬首。比丘曰。我法仁慈。不斬汝首。汝當剃髮爲我弟子。若準付法藏傳勝比丘法付富那奢。奢論勝馬鳴。剃髮爲弟子。馬鳴初於閑林之中自思惟言。智慧殊絕。有難能通計實。有我甚自貢高來至奢所。奢言諸法無我。馬鳴言所有言論我皆能破。此言若虛要當斬首。奢言佛法之中凡有二諦。世諦有我第一義諦。無我鳴猶未伏。奢云。汝諦思惟無出虛言。定爲誰勝。鳴思惟二諦然後乃伏。欲自斬首。奢令剃髮以爲弟子。若準傳意。但以二諦破非默破也。若婆沙中云。曾聞有大論師名奢提羅。

撰述

卷之三

三

至罽賓國。於時佛跡林中有阿羅漢名婆夷秀羅。具足三明通達三藏。時奢提羅聞彼林中有大論師。卽往其所到已。慰問在一面坐。時奢提羅語尊者曰。誰先立論答。我是舊應先立論。奢提羅言。一切論有報。時婆夷秀羅默然。而坐婆夷秀羅諸弟子輩唱言。汝師若是奢提羅者。自當知。從林起去。展轉前行。其師作是思惟沙門釋子。何故作是言。汝師若是奢提羅者。自當知。卽便自憶我作是言。一切論有報。彼沙門默然。便是我論無報。沙門已勝。卽報弟子言。我還往彼弟子曰。已於衆中得勝。何故更往師言。我寧於智者邊負不於愚者邊勝。卽時詣彼作如是言。汝是勝者。我是負者。汝是我師。我是弟子。此婆夷秀羅正當默破。但與今文名字不同。次問者。準大論云。四悉攝八萬四千法藏。十二部經攝十二部。已如上說。攝八萬四千。其相如何。答中引經。具出數相。旣云初心乃至舍利。故知四悉攝一期教。故云八萬四千也。於中初引賢劫經。次引異說初文。二初引賢劫通難。次若作下廣集諸教別對。四悉止觀文中用對四諦。今對四悉者。以四悉義同四諦。故具如對諦中說。餘諸八萬四千。更有不同之相。如止觀第一記度無極者。賢

文部
卷之三
十一
三
東京大学総合図書館所蔵

者邊負不於愚者邊勝。卽時詣彼作如是言。汝是勝者。我是負者。汝是我師。我是弟子。此婆夷秀羅正當默破。但與今文名字不同。次問者。準大論云。四悉攝八萬四千法藏。十二部經攝十二部。已如上說。攝八萬四千。其相如何。答中引經。具出數相。旣云初心乃至舍利。故知四悉攝一期教。故云八萬四千也。於中初引賢劫經。次引異說初文。二初引賢劫通難。次若作下廣集諸教別對。四悉止觀文中用對四諦。今對四悉者。以四悉義同四諦。故具如對諦中說。餘諸八萬四千。更有不同之相。如止觀第一記度無極者。賢

撰述

卷之三

三

劫經中列三百五十度無極然後對六度四分煩惱爲八萬四千法門亦在止觀第一記又大纓珞經六度皆云度無極故晉宋譯經皆翻波羅蜜爲度無極七得用不得用者得謂自證用利他也於中爲二先標次釋釋中又二初舉極果次舉因人因人中二先標列四句次解釋釋中凡夫及四教不同初藏通兩教各分二乘與菩薩別釋初三藏二乘中先聲聞次支佛初聲聞中二初明得而不能用次假令下明用而不當同不能用初文可解次文具明不能用四悉之相能稱機故方名能用聲聞借使欲利於他而差機故不能用故云假令於中初舉滿願通明差機次如富樓那下約四悉一一皆先出人次結不能用初文云如富樓那九旬化外道如止觀第六記身子差機如止觀第七記迦緇那如止觀第九記如身子不度福增者論云此比丘宿生爲魚身長七百由旬宿會聞法雖墮魚中宿種猶在時有商主將諸商人入海採寶忽見流急船向白山兼見三日並現卽白海師海師曰禍哉非三日也二是魚目一是天日白山者魚齒也必入魚腹船中諸人各稱所事中有優婆塞稱南謨佛魚聞佛名卽自念言此佛弟子我昔亦

80 1 2 3 4 5 6 7 8 9 10 1 2 3 4 5 6 7 8 9 10

佛弟子。卽忍死合口。水流便退。魚因捨命。風吹屍上。嶩神。生值佛身子及五百。皆不度。佛度得果。佛令按行海畔。見骨山高七千由旬。山北日所不照。迴來白佛。佛言是汝身骨。問曰。魚身長七百由旬。所見骨山高七千由旬。何故身小而骨山大耶。答。或恐字悞。應是七十耳。大醫等者。身子爲大醫。五百爲小醫。支佛亦然者。據理既不知機。明知不能用四。雖有部行。但是悲心。如身子云。我非知機。但憐愍故。而爲說法。可以比聲聞知也。次明三藏。菩薩未得滅諦。名未得一。具能用四。所以者何。下釋不斷煩惱。稱病導師。通教。

菩薩六地未巧者。與羅漢齊。雖亦說法。不能稱機。故云未巧。別教十向。旣進脩中道。故相似中道。其用勝前。登地已去。任運真應。八明權實者。先標次釋。釋中二。先正釋次料簡。先正釋中二。初重指前對諦。未判權實。故云通途。次正釋中二。初四教次五味。初文自四。初三藏中又四。初引論總判。言釋論云。諸經多說三悉檀等者。此是大小相對而說。卽指三藏經爲諸經。般若爲第一義。各有其意。次三藏下。示教觀體。非無空理。但非卽空。故云少耳。三就三藏菩薩下。且許當教以論三四。言約三悉以明四者。非但無中道第

卷之三

清江先生集

卷之三

一義諦亦無真諦第一義諦且據緣真伏惑邊說立
第一義名耳故云約三。明四又。明四者能爲他說四。
故云。明四自行但得三耳。四雖爾下正判屬權次通
教中亦四初形前立名次故下引論證巧且約卽空
明第一義三就佛下當教判得四而約下正判屬權
次別教中三初形前次而猶下望後三教道下正判
屬權次圓教中二初亦形前次故四悉下正判是妙
次約五味中可見次料簡中五重問答初問中云菩
薩雖得四此亦約三論四如前答中通教既無中道
義當無第一義三藏菩薩不斷惑者若以二乘望通
卽同得四言從證則四從教則權而不云從教則三
者教道證道俱說有四但權實不同故不云三若取
地前爲教道者既有若取之言當知初地以去仍有
教道之義具如止觀第三記九開顯中二初標次釋
釋中二初正開次料簡初正開中二初明施開之意
次正約前四時論開以會法華初文又三初通明諸
法本實次大悲下施權三今開下顯實初文者法旣
本妙麤由物情故知但開其情理自復本施權中二
初正施次無量義下引證三今開下正開開中又二
初約法通開明施化本意次除滅下寄二乘難開以

明開相麤既卽是妙化城卽是寶所故也。次若乳下正約四時。明開又二初正開次方等下。明開分齊。乳及二蘇中別教四悉。雖有第一義。並約教道。故云唯決四權。生蘇十二權。孰蘇八權。皆得入妙。生孰蘇中決權引證。但云千二百羅漢及決了聲聞法者。前證乳教已引菩薩菩薩義同。不繁文故。不重引之。旣云菩薩亦除疑網。驗知菩薩亦須會三方等般。若至在此者。開分齊中亦應云華嚴文無者。略驗彼三部圓教。無殊法華之圓判。頓獨在華嚴信是妄生疣贅。況法本妙隔在物情。法華已開翻降爲漸。十如實境妙。

郤爲麤佛之知見。貶歸菩薩藥王十譬。歎教聖說成虛。法師三世校量。通爲不實。分身佛集寶塔涌空徒屈來儀證斯漸教。同異之相不可具論。一家教門。足堪搜檢。如何獨異黜茲妙經。次料簡中問決諸權悉檀至不爾者。問意者若決麤人妙爲決諸麤四悉同入妙第一義。悉爲自決世界入世界。乃至決第一義入第一義耶。云不爾者。若不如此爲如後意耶。亦有本云爲當爾。不恐人悞改耳。答意者二意俱通。故云自在。言假令者。如初問意縱令盡入妙第一義。妙第一義旣不隔三與第二義亦何別。故云一三自在。今

80 1 2 3 4 5 6 7 8 9 10 1 2 3 4 5 6 7 8 9 10

撰述

法華三義卷第

文且作一種解者順第二意對開五章名義順故若唯入第一義但得對體餘義則闕若決下用第二意一一別對初世界中二初正會次亦是下示相會入世界祇是諸法決彼諸麤同入此妙故成妙名次示相會入中二初約法說周意次譬說周意初法說中七方便同成佛乘譬說中二乘之名同稱菩薩汝等所行是菩薩道所行既成菩薩之道行人豈獨猶名二乘次決第一義中以四悉義隨於五章故第一義居次佛所知見及所至寶所立屬理故次會爲人中引證云大車者車方爲因道場爲果次會對治中引

證云以此寶珠用貿所須者方便教中法有限量非卽非妙是故艱難如勤力求索實理無竭疑盡信全如寶珠無價貨物無盡究除貧苦莫若如意此良藥等思之可知是故貿麤病差竝是對治之別名此中判教以辨同異本顯於同故本迹二門爾前未說因茲開廢莫不咸聞十通經者又二初問次答答中二先總舉次別釋釋中先釋次結釋中二先迹次本迹中二先列經次釋本文亦然迹之與本俱以性爲生善善性在往故也俱以進力及行爲對治竝舉能治行也根舉能悟之人想舉能見之心此少異耳故同

有四悉兩處下結可知。次第二別解者。初重略標五
章前已列竟。今於五中初廣釋名中二。初開章大解
釋。釋中自四。初釋初門中爲三。初於今經自立。次立
此下。廟立名意三問。下料簡。初文者雖在今經與他
對辨不無通別。若妙法蓮華名之與義俱異。他經
之一字名與他同義與他異。今從名通故云通耳。次
立名意者以何緣故立此經名。名既該乎一部一部
意不逾三。故名既通別不同。三意亦隨名通別。故釋
此三意。麤妙甄分。教行理殊。通別異轍。今釋此三。又
爲四意。初標次列。三釋四結。初二如文。三釋中二。先

通解通別。次別解通別。通謂通於諸經教行及理。別
謂別在圓詮之教。初通釋中二。先略次廣初略者。一
代聖教諸名之下。無不具此教行理三。無不以別而
契於通。無不以通而應於別。故此三中通攝佛法。故
教則機應相對。行則因果相對。理則名實相對。亦是
事理相對。若無此三。雙通別虛設。次廣釋中自三。初
約教中二。釋結釋中二。初廟別。次金口下通次故通
下結也。次約行中亦二。釋結釋中初別。次大論下引
小以例。初別中又二。先立次引證。竝是約通論別。且
從別以廟別。如云法寶卽通種種。故別次引證中先

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

寄小。各說卽別。俱正故通。言各說身因者。涅槃三十二釋隨自意語中云。如五百比丘問身子云。佛說身因。何者是耶。身子答云。汝等亦各得正解脫。自應知之。何緣方更作如是問。有比丘言。我等未得正解脫時。意謂無明。卽是身因。作是觀時。得阿羅漢果。有說愛有說行。乃至飲食五欲。如是五百各各說已所解已。共往佛所。稽首右繞而坐。各說已解。身子曰。誰爲正說。佛言。無非正說。次寄大中。各入故別。不二故通。三十二菩薩入不二法門者。既有能入之門。門皆趣理。準例五百三十二。亦無非正說。此舉大小兩乘能

趣之行。次例中不可得。卽是理也。舉劣況勝。觀息尚卽是理。況大小兩乘能趣之行。當知下結。又二先結。次引證。次理中三。初立次引證三結。初文不二。故通非一。故別證中二文例立可知。先引大論。次引大經。中言解脫亦爾。多諸名字者。大師在靈石寺。一夏講百句解脫。每於一句作百句解釋。是則解脫有萬名字。如天帝釋有千種名者。亦名憍尸迦。亦名婆蹉婆。亦名婆佉婆。亦名因陀羅。亦名千眼天。亦名舍脂夫。亦名金剛寶頂。亦名寶幢等。名異下結。名異故別體。一故通別中云。今稱等者。妙法是別異餘經故。經卽

是通通名經故。故知今經通別始自如是終乎而退。莫非佛說俱是妙法。從始至終咸別竝通於此教。通別中詮於行理通別。故知本迹無非因果及名實。故不可偏引故略示方隅。麤引譬喻以示行之通別。及方便中實相等。爲理通別譬喻中者諸子習因不同。即是行別等賜大車直至道場即是行通大車是所乘通理道場是所契實相乃至大慧之名亦是名別。一一別名咸從理立。即是理通。此是今經理之通別。具如下釋中更廣明之四約此下結次料簡中先問次答。問中所以但問教者。教行理三展轉互通。教既

居初但從教問。餘之二種憑教自顯。初廣略二解。況通諸教是故通以一佛爲通。今卽離爲四佛不同。佛自有諸門教別。故云教主不同。設教亦異。云何下難者。以前通途難。今四別次答中意者。卽具當分跨節兩義。應知兩義卽與待絕二妙不殊。又前二釋亦具二義。何者。若依施權卽當分義。若據佛意卽跨節義。雖具二義。不譚其意而以此意汎釋。復未甄衡二途。其意似通而未灼然開顯。以是義故。故須分於二義而答。當分通於一代。於今便成相待。跨節唯在今經佛意非適今也。釋此二義先標次列。三釋。釋中先

當分次跨節。一一皆約教行理三。初當分者順前問意爲顯跨節以當分難。四教當分皆具三意於中先正釋次融會不可卽具故與後義俱立難易。初文三藏廣餘三例初三藏中三初正釋相次經言下引證三此則下略當分意初文可見引證中言卽脫纓珞等者報身四十一地戒定慧陀羅尼以爲纓珞寂滅忍爲柔軟上服大小相海爲嚴節之具丈六相好爲麤生空法空爲弊現有煩惱有爲有漏爲塵土全身實無生死煩惱似有生死煩惱爲狀有所畏如成論無畏品云如經云善來比丘隨順我法我則歡喜者

此似有貪如語調達汝爲癡人食人涕唾此似有瞋自言我是人中師子此似有慢善持我法如擎油鉢又如語調達言我尚不以法付舍利弗等況當與汝此似有見也文中但略舉垢衣一句耳語言勤作等者卽是小乘七科道品卽除見思糞之法器也語言卽念處勤作卽正勤咄男子等卽如意好自安意卽五根所以者何等卽五力更與作字卽八正雖忻此遇卽七覺當加汝價卽煥法不能發真如意能發故云加價今文甚略言塗足油者下偈文中得如意足觀如油塗足則能履水能得神通又油能除風如定

80

1 2 3 4 5 6 7 8 9

10

1 2 3 4 5 6 7 8 9

10

除亂廣如信解品疏釋此則唯譬三藏說教行理可知次三教例中云通別圓等亦爾者具如下本門果妙中釋四種身相不同融會可知次跨節中四先斥當分次若開下立跨節相三如此下結意四作如此下融會初文又二初正斥次祇隱下齋當卜意立當分者以施權竟權實相對故有四主各各不同故齋意者無別當分祇是隱實施權且云當分初至金輝現當分身也不說下說當分法也略語身法餘二略無不說甘甜常樂之味說於鹹酢無常辛辣者大經第四云苦爲酢味無常鹹味無我苦味樂爲甜味我

爲辛味常爲淡味煩惱爲薪智慧爲火以是因緣成涅槃食彼破三脩故但三味勝劣相對故成六味故略不說淨及不淨今文從劣故云不說甘甜等也葉王者服飾重語隱妙現麤亦與前隱功德現丈六意同如窮子見父豪貴尊嚴等無量功德莊嚴纓珞爲王者服飾當知祇是一種身口行理更無別途今棄此服飾卽當分義施權意也言糞器者生滅道品若開方便下正明跨節相此句總開卽向身向法向行等者指前方便身口行理等也三結意中歷三意結初言通是一音之教而小大差別者今此是法華跨

節一音不同小乘當分一音。具如止觀第一記故依婆沙但三藏佛一音耳。準例通別皆應有當分一音。前當分義中分四教主各有所說所行理體故義易解理無種種何故四教各有所詮所詮異故理不應異故云難融跨節義中不分四教各別詮理故云易明諸經所說因果各別今越彼別義唯論一理故相難解若二義相成則理相俱易若二義隔越則二俱難明是故二義相須當分乃成今經相待義邊跨節乃成今經開權義邊又若方等般若及華嚴等當分義者仍是施權若未至法華當分義邊成判權實判已卽廢廢已卽開開廢相卽不可異時二定妙法先後中四初標次若從義下辨先後三從今題下正明今意四雖復下融通二途初如文次文者從義從名各有其致從義中先立次引證從名中亦先立次引事事中二先證從名次篤論下復順從義言篤者爾雅云固也老子云守靜曰篤篤貞正也三明今意者應知題名須從名便故先妙次法已如題中今欲解義故須從義所以下正釋中先法次妙四融通者祇緣前後無乖故解釋中則從義便故知前後竝不乖理舊解中二初出諸師次今家難初文中前三師大

師不破者以下文云餘者望風故也若欲薄知得失者例光宅意破無非不遣如道場觀云三非真實不知何教之三爲非真實既不知三外別有菩薩歸一與無上顯妙未彰若引今經以證妙者理稍可然其如所證無妙可論餘皆不了無上故妙者引經是乘微妙清淨第一具足應云於諸世間爲無有上有本無第三句并前二句方可證無上故妙也又云寄言譚於像外等者意云妙理無形言譚託像寄有形言以譚像表像表爲妙有形爲麤但像表之理精麤是亡精麤故故名爲妙亦不知像表絕精絕麤爲何

所詣引經文證義亦如前會稽基卽法華寺基也言表同者不知昔何教三爲異表會何教令同亦不知指何爲昔三因故亦令妙不成北地師三意趣亦爾三師之三立不出光宅之見故云望風如順風破陣陣首旣破餘者望風次光宅師者所感天華志公尚云噦菴武帝欲請雨問志公志公云雲能致雨便請雲公講法華經至其雨普等四方俱下降雨便足又雲法師未生之前有人於水中得法華疏題云寄與靈山親承理無差忒然三師稍同光宅而不及光宅驗

撰述

卷之三

三

菩薩用三僧祇故知光宅有三可會但無一可歸。無一可歸故破不成妙。指昔通漫故破麤非麤。所以招於二十四難良有以也。於中先總立次廣釋。釋中先釋昔日因果各有三麤。次釋今日因果各有三妙。初文者先因次果。初因中先標次釋。次結。初如文。釋中體則具列三乘位用。則但舉菩薩者舉勝兼劣。以三祇菩薩不斷惑因與二乘凡位似同故名因同。竝是初明諦等爲體。位中言第九無礙者三祇之內伏惑時長乃至非想第九品竝伏而未斷位未出界況復變易故名爲下。用短可知。當知二乘位用下短比此

可知。昔果三義者初標列次釋後結釋中體者縱至佛果亦但有餘無餘故與二乘其體是狹。佛果亦同位在化城。佛果亦同止除四住。又下重釋用耳。八十等者以壽量意用斥昔果。本行菩薩道時所成壽命爲前過恒沙今猶未盡復倍上數名之爲後八十年。佛無此壽故故名爲短。次明今因果各三義者爲二。先釋次結釋中二。先因次果。因中三列釋結釋中言界外行菩薩道者若自行者必在界外。若兼化物則自在受生。次果中亦先標列次釋三結言神通者在因則以伏斷爲用。在果則以利物爲用。光宅意以壽

撰述

量品爲神通延壽利益衆生卽是下總結次今古下
 破中三先舉難例易次因體下正破三彼作下結成
 難勢初文中南方者南朝卽江東是舊總云南朝後
 分兩道故云江東承肇什者取語便耳關中四子卽
 生肇融叡後人承用四子之義故時人語曰生肇發
 天真若以今意望之多附於通不必全是故云多附
 附謂附近光宅亦附近肇什故云寧遠時人以爲光
 宅得旨故抑云不遠先破得旨之難餘易自啓次正
 破中二先因次果因中三重謂體位用一一各以四
 一難之初破因體中先通責光宅昔言通漫復汎許

之故云可然何者下正破中三初舉昔有四一次舉
 今無四一二三結難初昔中二先列次結初文者般若
 舉乘乘卽是教故云運載旣言一切靡不徧行及法
 界等當知體廣般若有教一思益有行一華嚴有人
 一淨名有理一昔因如此下結若言下責今經無四
 一又二先列次釋列中竝是光宅疏意下去例知當
 知下難勢還以彼義而難於彼次難位中四先來意
 次標三釋四結初二可知釋中亦二先昔次今昔中
 亦先釋次結釋中初文云無上是法舉法取人言般
 若是無上明呪者大論問釋提桓因何故以般若爲

無上明呪答諸外道聖人有種種呪術利益人民誦是呪者能隨意所欲使諸鬼神諸僊有呪得大名聲人民歸伏貴是呪故故名般若以之爲呪帝釋白佛是般若呪常與衆生道德樂故餘諸呪術能增長惡般若神呪能滅諸禪涅槃之着何況貪等是故名爲大明呪也無上明者大或有上故次名無上無等等者等此無等名無等等皆破無明故竝云明又外道有呪能知他心有呪能飛變有呪能住壽於諸呪中般若出過無量無邊故云無等又諸佛於一切衆生中無等故般若名無等又無等等者妙覺位也無能

等此無等之位故云無等等故淨名中所歎菩薩皆是等覺位鄰妙覺故云近無等等佛自在慧此呪無上義同妙覺故云無等等是爲呪義無等等故也次引大論中應云因行而言位者恐悞受法性身行菩薩行如前釋引淨名中近無等等者佛名無等無等中最故云等等覺近之舉彼所近故云佛自在慧十方魔王者不思議品文入地菩薩能作魔王魔王不盡是彼入地菩薩故但云多以實行者不能惱於深位菩薩故云非驢所堪所以今云皆是等也次淨名文者初住八相未是極位故名爲雖是故仍須行

菩薩道自行化他以進後位此由初住見理故也故舉理以顯德秘藏正當所見之理如是下結次若言下明今經中亦應云行亦但云位者應是以位顯行前文亦然當知下結次明用中三謂標釋結釋中二先昔大今先昔者又二釋結初教次明行長中初云無明舉失顯得一切種智正明能知之行一切法即兼舉所觀以顯能觀明無明下出觀相若知下釋觀相是爲下結觀相者並是中道觀故亦應合有用字但是文略次明人一中云一日等者並是斥奪之辭舉能奪所以明人勝初云一日行般若如日照世等

者大品習應品云菩薩行般若一日出過二乘之上二乘如螢火蟲不作是念我力能照閻浮提普令大明二乘亦爾不作是念我行六度乃至菩提菩薩照世洞照法界如照三千故云如日照世故勝二乘一切智光拙度菩薩尚未見空故如螢火若入簷葡萄者若入淨名常寂光土之室故唯聞諸佛法界萬德之香尚不嗅地前敎道之香豈樂拙度小行功德故法身菩薩立種智之身如實相之座不假燈王之威見思塵沙諸習先盡故分段方便二土五塵不能染於實報法身故知此等皆是法身念不退類故云阿

越理一中云色無邊故等者。五陰是理故卽陰是實相般若故皆無邊以由理故令法無邊當知下結次若謂下破今教無四一。故麤文闕人一以行兼之行必有人故也言覆相者覆郤常住真實之相而用於權亦略用字如前可知次果體廣狹四難者亦標釋結釋中二先昔次今初又二初難次結初難中全具四一文且引般若淨名但是理一教一餘二比於上下諸文類之可知故略不說次從若謂今果去難今經果上四一不成初不滿不了教一不成光宅疏中云。明一乘故滿了不昧佛性故不滿不了從何故復

言去行一不成從若體廣去人一不成此等竝是光宅疏意言七百阿僧祇者首楞嚴下卷堅首菩薩白佛言世尊佛壽幾何何時入滅佛告堅首東方去此三萬二千佛土國名莊嚴佛號照明莊嚴自在王十號具足今現說法如彼佛所有壽量我壽亦爾又問彼佛壽命幾何佛言汝自往問彼自當答堅首承佛神力於一念頃節往彼國頂禮遶佛白佛言世尊壽命幾何幾時入滅彼佛答言如釋迦壽我亦如是汝欲知者我壽七百阿僧祇劫釋迦亦爾堅首還白佛竟阿難言如我解佛所說彼佛是釋迦異名佛告阿

撰述

難汝承佛力乃知是事乃至上方有土名一燈明等
竝釋迦分身從若言去理一不成言應備五眼見佛
性者據不見佛性則無佛眼當知下結次果位中亦
三標釋結釋中亦應先舉昔有次斥今無文中從略
直舉今無準前諸釋驗知昔破次果用中亦三標釋
結釋中亦不出昔直舉今文準前可知於中二先正
破無四一次廣破神通初文二先破次結可知

法華玄義釋籤卷第三

法華玄義釋籤卷第四

天台沙門湛然述

次破神通中云何止延壽而不延眼奪其無理何不
延舌奪其無教亦應更云何不延智知於常住奪其
無行何不延身令契法身奪其無人文無者略眼不
見性一句略牒無理具足亦應盡牒四句三前一下
總結也三結成難勢者又二先釋次結數又二先結
數次釋今意初文者然二十四難中所破之義竝在
光宅疏中今直引來爲難而不委悉言二十四者且
據相對今昔合論故二十四若今昔別論難昔因果

撰述

各三合成六難。難今因果亦成六難。合一十二難。一
一四番成四十八。又今文中果上三義。但難今位及
用略不語。昔則闕二處。四番現文乃成四十番也。予
盾如止觀第五記。今還以彼四一難。彼妙成麤。還以
彼昔三難。彼麤成妙。故無盈縮。四正論今意又二。先
借光宅義以顯今妙。次正釋初文爲三。先標次釋三
結釋中二。先釋次初約下判。初文自四。初約十界釋
中二。先釋次結。初釋中二。先因次果。先因中二。先釋
次融通初釋中三體位用也。於一念中一法攝九。故
名廣。一念中九無非佛法。故名高。十法無非三諦。竝

有破三惑現三身之用。次融通中意者。前廣義似於
橫次高義似於縱。用中似獨具三。故須合前二義共
成一意。祇是三諦一心有體位用耳。次果三義中言
體徧者本法身也。卽本地已成法身也。非但高廣等
殊指本迹二門。因果永異。是爲下結可知。次約五味
以判麤妙者。二先列五味。次又醍醐下重辨同異初
文者。因果二門。竝約迹說。故得乳中亦有一妙因果
餘味。例然故下結云與醍醐妙同。次約觀心委明十
境十乘。若論觀境則不如止觀委悉。若以體位用三
而判麤妙。則此文顯要。如其體等不廣。高長不名爲

妙非今經觀若得此意法華三昧於茲現矣。一經樞
鍵於茲立矣。一代教旨於茲攢矣。佛出世意於茲辦
矣。十法成觀之精髓矣。十不思議之導首矣。是則前
約十界五味二釋咸入其中。後約六卽是觀心之位。
故前二義假茲方立。是故行者常觀一念介爾起心。
以具一切心故等於佛心。以等佛心故六皆名卽成。
究竟卽已能巧設五味思之思之。次約六卽釋亦是。
體廣者具十界故。亦是位高者皆佛界故。亦是用長
者皆究竟故。同在一念故。皆云亦。次初約下判前四
釋義同四一。何者。今經體具十法界如云實相如是。

相等。由此經用有前四味。由觀此經成於妙行。始終
六卽四一義顯。是故四釋成今四一。況廣高長徧於
四釋。所以今教具足。有於體廣等三。皆成四一。方知
光宅絕此氣分。次略示下結前廣說下生後釋云。先
今師順南嶽意廣解。初文中二。初標列次釋釋中自
三。初衆生法妙中六。先明妙有所憑。次又經下引今
經相似之文。以驗衆生法成妙也。三引大經證衆生
法位麤而行妙。初學大乘位居肉眼從行而說。故云
佛眼四央掘下舉果以勸脩妙行。五引大品二文。明

撰述

卷之四

四

行妙之相。六此卽下結。初文可解。次文者既云父母所生。卽是衆生清淨。若此故卽名妙。第三文者既云肉眼故名衆生。名爲佛眼故卽是妙。四引央掘經具如止觀第七記。五引大品二文中。初言六自在王者。凡夫爲六所使。不名爲王。亦非自在。純行染汙又非清淨。今六根得理。理無過上。故名爲王。徧一切處故名自在。自性無染。不爲惑拘。故云清淨。別在行成。通具六卽。又云。一切法趣等者。卽是六根皆具三諦。故妙趣義具。如止觀第二記。且引本文委釋。當知諸經竝有衆生妙文。但部兼帶不受妙名耳。六此卽下結。

可知。次佛法妙者。先釋次如是下結釋中意者。攝前四味。竝是今經權智所攝。而與實理相卽。故妙次心法妙意者。大論云。衆生心性猶如利刀。唯用割泥。泥無所成。刀日就損。理體常妙。衆生自麤。初引安樂行中。旣云觀一切法。不爲生死所動。不爲煩惱所退。以煩惱生死是法界故。又一念心隨喜等者。卽觀行位初祇於貪瞋。一念心起體卽權實。諸皆例然。隨順三諦。故云隨喜。是故隨喜名心法妙。普賢觀意者。心體卽理。故云自空。誰執罪福。故云無主應徧。十界以明。罪福在一念心方成妙觀。觀心無心等者。能緣之心。

撰述

法華經疏卷第十四

四

既無所緣之法。安在能所不二。故云純是以心體本妙。故可於心行而求解脫。破心微塵。如止觀第三記。次明大師依南嶽意。更廣分別。於中爲三。初標次釋三問下。略料簡釋中二。初略明得名所依。言若廣衆生法。一往通論諸因果及一切法等者。然衆生義通。故云通論。若其通論義非究竟。故云一往。一往雖通。二往則局不通於佛。及唯在因。佛法及心。不云一往者。佛法定在於果。心法定在於因。故此三法得名各別。何者。如衆生身中佛法心法。猶通因果。況衆生名通。通凡通聖。若佛身中衆生心法。亦定在果。心法之

中。佛法衆生法。此二在因。若爾何故。故云三無差別。答理體無差。差約事用。此義廣。明具如止觀十法成乘中說。即是心法。及衆生法。彼佛法界亦兼於果而不專於果。彼文寄果。明理性故也。次正廣釋中自三。初廣衆生中文。又自標二。謂列數次釋。初列數中二。初通論諸經增數次。正約今經。初通諸經者。此中釋法。唯立三門。釋妙則本迹各十。且如下文通釋妙數中云。本迹三中。一一各十。十中復各待絕不同。故有一百二十重妙。當知諸經所列法數。一往且從增數而說。據其道理。須論四教。四教之中皆有迹。中三十。

撰述

淨土真言卷第十四

四

麤法三十妙法更約五味以論麤妙兼但對帶依此等法而生增數始從一法乃至百千不出心佛衆生法故增數之相略如止觀第六記故宜樂不同令增減異於中又二初略至三次廣例百千次明今經又爲四先依經列數次南嶽下釋十如名三次判下判權實料簡四皆稱下釋法界名初如文次釋如名中二初出南嶽次騰巴見今一家相承皆云如者猶依南嶽通云十如次大師意者爲六初章安述所依標數次一云下釋出讀相三分別下融通大意四唯佛下稱歎五是十下明法功能六若依下明讀文所以

初如文次讀相中約假雖有遷迤之言但是約空論假三融通中二先出文意次約如下正明融通又二初融三諦次非一下複疎也兩義相成方名實相四五可解第六意者偈文既以性相爲句故今讀者大分依之三判權實中二先出古師次明今解初文二師各先出次破初師初文可見次今恐下破破中先約法次若言下約人言凡夫何意無實等者經云一切衆生皆有佛性則衆生有實而生五道以現其身則聖人有權觀音妙音三十三身竝是聖人有權之文也如此抑沒等者抑凡無實沒聖無權次破地師

撰述

卷之三

四

亦二先出次破破中大意可見不能委細但總云人情而已不應聖理故也次明今文正解者但明一心具足十界若且約界判則九界爲權佛界爲實。一界中又各具十尚權實相卽何況具耶。一心旣爾諸心例然是故不同舊人所見是知舊人不知以如約三諦者具如止觀第五記如無別體全依於界前釋本末等已約三諦卽是十界皆三諦竟今重明者按十法界三字解義使十界中三諦分明則令如中三諦復顯彼此相成令知不異故止觀中不思議境。一

念三千非思量分別之所能解是故立此不思議名釋中文又爲四初標數次十數下釋三若十數依下判對四欲令下以文融通初列法數竟次此一法下正解法相於中爲五初重舉千如次束爲五差三判五差權實四然此下歎五差權實五次解下正廣解十如初二如文三判中言細論各具權實且從兩義者相卽如向所說且依九界爲權佛界爲實若不然者謂佛尚亦不說況復下地故且依顯說四稱歎中爲八先約人歎境故云諸佛次以此下約行歎境故云發智三故文云下重舉境智深廣四其智下歎智

撰述

卷之三

四

令妙以顯妙境。欲明智契故重舉境。若境爲智門。卽正歎境也。五方便下總以二境通歎經文六如來下總明如來能照二境七央掘下引證佛智。八當知下結歸稱歎前四可見五總歎經中二先歎次如是下結初文中具約三周所言方便品略說等者品初長行略歎廣歎權實二智次重頌中二十一行頌前二智於中前二十行重頌廣略二歎末後一行略開權顯實云佛以方便方示以三乘教衆生處處著引之令得出後開示悟入廣約五佛開權顯實望後二周仍成略說。言長者付子此法者付彼般若。彼般若中

雖未開權依彼法體不出權實總結可知六明如來能照中云如來洞達究十法底等者於一一界一一法善知法相自行化他諸法具足名爲盡邊無非實相名爲究竟種芽等者皆以一法爲種熟脫故也聞法爲種發心爲芽在賢如熟入聖如脫於十方界十界衆生無不了知橫豎種脫七引證中且舉善惡二人餘皆倣此言央掘雖是惡人善性相熟等者央掘經中如來說偈問央掘偈答佛命善來成阿羅漢卽地獄人成聲聞界若依大乘得無生忍卽成佛界四禪比丘謂爲四果此卽天界成就地獄且略舉此以

80123456789

100

撰述

三四

爲事端他皆例也。八當知下結中二初結衆生是妙。次不可下誠勸言不可以牛羊眼等者普超經下卷。佛授闍王記已因告舍利弗人人相見莫相平相所以不當相平相者人根難見唯有如來能平相人賢者舍利弗及大衆會驚喜踊躍而說斯言從今日始盡其形壽不觀他人不敢說人其趨地獄其當滅度所以者何羣生之行不可思議五正廣解中文自爲二初通中二初廣釋十如次若作下廣以三諦釋究竟等以顯十如又爲二先寄釋等次今不下正出實理釋究竟又二先釋次夫究竟下重釋從勝立名方

名究竟所以本末究竟皆空假中者如於夢中脩因得果夢事宛然卽假也求夢不可得卽空也夢之心性卽中也此之三法不前後不合散次別解者爲二初文復合五差爲四以菩薩與佛菩提器同故復合之次初明下解釋釋中爲三初正解次復次下開權三復次百界下以諸教偈結初依四文爲四先解四趣十如自爲十惡相者文爲二先法次譬初法中不如意處卽是後報相表於報故云也次譬中二謂譬合合中惡相下合否色報不卽受故云遠表泥黎者此翻不如意此處咸苦無適意法故云也亦云地獄

801123456789

100

100

撰述

江都寺藏本

四

新譯云捺落迦翻苦具等

云

四惡之業感報不同

今且從重說故云也。凡夫下合相師若不舉相師則不預知有相師有分與究竟故舉凡夫用世相法亦有分知。況二乘菩薩唯佛究竟如善下重譬佛洞者鑒幽也。始終者祇是相報耳。又地獄相報如迦葉等千人出家先本事火皮膚皴裂淨飯王曰是諸人等雖復出家不足光顯我之太子乃令千釋種出家入道此千種釋出城之時提婆達多瞿伽離其馬仆其冠脫衆人皆云是二人者必於佛法無大利益此亦地獄之前相也。此世間相者尚亦似知未現之相況

極聖乎。如善相師具如止觀孫劉曹等第五記惡性者約理則本有之法不可改故如木等者。以性爲因假於外緣不同今此明染中之惡卽脩惡也。具如止觀第五記不思議境初然十如十界皆有脩性此中但以脩爲性耳。於中爲二。初正釋次譬功能初如文次文又二。先順譬次反譬。初又二。先譬次大經下合於中先引教次合。若泥木下反以不可生爲譬以顯可生亦先譬次合。合中但云不爾卽略合也。故言下結體中二謂釋結初釋中文出三釋各有其意次明力中四先法次舉譬引事三合後結初如文次文。

80 1 2 3 4 5 6 7 8 9

100

1 2 3 4 5 6 7 8 9

撰述

卷四

先引譬。次引事云大經云作舍取木不取縷線等者。涅槃二十三云欲造牆壁則取泥土不取彩色欲造畫像則取彩色不取草木作衣取縷不取泥木作舍取泥木不取縷線彼叙外人而執定計今借因緣助成義邊各有力用能生之性當知力者功能爲義亦是堪任地獄下以三趣合仍略脩羅故知一一竝以四趣言之皆是下結次明作中二法譬譬中譬合譬云爲惡行者名爲半人者大經第八云譬如世間爲惡行者名爲半人爲善行者名爲滿人經文本譬半滿二教今借譬義不用於法文且引地獄故諸惡之

言義兼四趣次明因中二初正釋次功能中云百種相生習續不斷者自分因也俱舍名爲同類因具如止觀第八業境中次緣中二法譬結法中二先正釋次所謂下功能言如水能潤等者習因如種助因如潤單有習因未能成報故加緣潤堪受後果是故報因名之爲緣三故用下結次明果中二先略釋次如多下相狀次明報中亦二先略釋次相狀次明本末中爲三謂標釋結釋中三節三觀初空觀中相本報未始終俱空此四趣十如本無性故乃至四中具于此四既空四中之十安得不空次又惡下明假

等中三。正釋引事結初文者初相後報更互可識故四中之十相表皆然次若先無後下引事言追記者追退也。卻記往事也亦云隨記故書云雖悔可追及也。言當知下結三中實下釋中道等此四趣及十界之十無非實相言約理者中名附理故云約理究論此三無不是理也。次人天中爲二先與四趣辨異次正釋釋中言自然者此言通用何必外計卽任運之異名耳因必報果之相也委以四趣意例之可識次明二乘中二先總明所依次正釋釋中二先正釋次廣料簡有報無報初文中云體卽五分法身者無作

戒爲戒身無漏淨禪爲定身無漏慧爲慧身二種解脫爲解脫身一者有爲解脫謂無漏智相應二者無爲解脫謂一切煩惱無餘也又盡智爲解脫身無生智爲解脫知見身二乘旣不生則無後報者中含二十七具如止觀第五記何故下辨報有無又爲三初徵起次正釋三三果下疑初文中意者凡果必報報何故二乘已受果名而不論報次無漏下釋意者果名仍通報名則別是故凡夫有果則定有報若二乘之人亦通名果而不得論報以彼教中不說二乘有生處故習因在相似位習果在見道已後三果皆以

撰述

卷之三

四

方便勝進而爲習因。斷六斷九若復斷盡而爲習果。言無漏損生等者。且據小乘中不說生處名爲損生。然但無漏無於分段可卽令無變易生耶。故且依小教立無報也。三三果下釋疑中先釋疑三果者前三果人竝得無漏何故猶有七生。一生及上界生耶。釋云由殘思力非無漏力。殘思爲漏緣而受生也。次大乘下釋大小不同疑又二先釋次引證初文者然大乘中說二乘有生者由有界外無漏故。大經下引證中云有爲有漏是聲聞僧者大經第五文。若福慧相對空假二觀俱屬福德。況復二乘是故二乘屬福。

德莊嚴又望大乘猶是苦集名爲有漏則無漏爲因者仍本爲名。故名無漏爲因。生方便土若生實報則不以小乘無漏爲因。餘如文說兩教二乘觀行小異大體可知故不別出。至菩薩中方分三別以斷伏不同故次明菩薩佛中以菩薩十如中報義當佛果前性相等卽是佛因故今初釋菩薩報亦但名菩薩者以菩薩中得八相佛復通權實。權非佛界之因實方招於佛報是故須分三教菩薩屬菩薩界圓教菩薩卽屬佛界前標雖以佛與菩薩合爲一類今釋還開初釋三菩薩中二先標次釋標中云細開有三菩薩

80123456789

100

者卽三藏等。二菩薩也。下文自具不預列名。故注云。云次釋中二。先正釋次夫下辨界外二土伏斷不同。初文自爲三。例前通釋及類四趣相狀可知。故不委悉。初三藏約福德論性相等者。以事六度爲相。以人天善爲性。以三十二相爲體。生滅四弘爲力。事六度行爲作。餘如文佛同二乘灰斷故也。菩薩猶有正使。故報在三界。次通教以有餘無餘爲相。無漏慧爲性。勝應色心爲體。無生四弘爲力。無生六度爲作。無漏習因爲因。生滅助道爲緣。斷餘殘習爲果。佛亦無報。雖觀少勝同皆未得法身故也。是故滅後亦歸灰斷。

六地已下斷疑與前二乘義同。唯不斷習。不同支佛。以畱此習潤餘生故。旣生三界非漏所牽。故不名報別菩薩十法者。行旣次第。從假入空。同前二教。但不得無報爲異耳。故云此人雖斷通惑。自知有生。若從空出假。以恒沙佛法爲相。定入生死爲性。變易色心爲體。無量四弘爲力。無量六度爲作。真無漏慧爲因。助假觀爲緣。假觀成爲果。變易爲報。若入中道。卽以三因爲相。性體無作。四弘爲力。無作六度爲作。因緣如止觀第五文。無上菩提爲果。大涅槃爲報。次辨二土不同中云。夫生變易土三種不同者。於中二先標。

80123456789

100

1

2

3

4

5

6

7

8

9

次釋。釋中自分三類不同。未斷別惑義當入空準例。說者別教十住。應在其中。以此五人無伏別惑義。及以發心所期不同。故自爲一類。并別十住及圓七信。乃成七人而不論者。在下第二義及佛界中明。次伏者。言伏別惑者。即是迴向。兼於十行十住。十行義當出假。此卽塵沙無明共爲別惑。縱斷塵沙。但伏無明。亦祇名伏。故別三十人。同名爲伏。據理應攝圓教八信已上。而不論者亦在下圓教中明。三斷別惑者。義當入中。故別教菩薩雖有次第三觀。若作十法從勝爲名。多從假中。據理祇云初地已上。何用兼論初住。

位耶。又初住亦應在下文佛界中明。故知不合在此。而今文中通云初地初住仍有少殊思之可見。以證道同故。且合論之。應須細簡次第。不次第意。約下釋究竟等作之。是故二土通明。變易據於伏斷。以判生處。若斷伏者重辨二土因緣不同。言若斷伏者用順道法愛爲因者。從斷說。故初地初住證一分中道法性。以無明未盡有中道法愛以之爲因。言云云者。不斷伏者。則有五人不同。若斷伏者。則有二土位行不同。細分比說。故云云云。次佛界相性體爲三軌者。理性三軌也。由觀理性以至究竟於中爲二。先標次釋。

支那文書館藏印

卷四

釋中十法又二初釋十法次廣料簡報初釋十法不

同者初三以對三軌餘七成就三軌若據引淨名以

衆生爲菩提相豈得以聞法種子爲了因耶不失之

名雖通脩種語其本性卽取煩惱卽菩提也故知此

是本有性德後七祇是脩得三法若因若果如是釋

者可不異前故知卽指圓教爲佛界也是故前明生

方便土應論圓信故也力中亦合云發三菩提弘誓

之心真如止觀第一卷四弘中簡約無作四諦以誓

自要期心極果因緣云是二莊嚴者據顯說智應亦

具三照本有三福亦具三助智嚴本果文可見也次

標題

法華經疏卷第十四

十五

多四

釋本末中初總舉次空諦下別釋中空等者凡聖皆
如也等者空等也大論八十云菩薩以何力故能令
佛與畜生等耶答菩薩以般若之力故於一切法中
脩畢竟空故於一切法無所分別如畜生法陰界入
和合故名爲畜生佛亦如是善法和合假名爲佛若
人憐愍衆生得無量福若着心於佛起惡因緣得無
量罪故於一切法畢竟空故不心輕畜生不着心貴
佛復次諸實相中無相於無相中不分別是佛是畜
生若分別卽是取是故等觀復次菩薩有二種法門
一者畢竟空法門二者分別法門入空法門則等觀

80123456789

100

100

撰述一

法華經疏卷第十四

三

一切無復分別。若入分別法門。二乘尚不及佛。況畜生耶。故今文中約不分別邊衆生至佛皆悉如也。如卽空也。次俗等中佛記衆生當作佛。此是生與佛等。佛說本生事。此是佛與生等。生與佛等。此是初在於後。佛與生等。此是後在於初。故云相在中等可知。次廣料簡報中二。先正釋次何者下以諸所表釋成初又爲二。先標佛地。次釋釋中先明下地定十次明佛地不定。初文者於中二。初正明下地有報徧在諸位。故云通途所言分者以下後文釋報究竟在佛故下地爲分。以報名通故。故下地定十。此中所引諸文皆

通云報。唯大經文云無上報。既其初後皆云分得當知無上之言亦是望下。次攝大乘下釋下地有報所以先引論次何者下釋有生滅。初文中言就佛界亦九亦十者通途爲語。從初地去皆屬佛界。地有報故定具十。故引此經大經仁王攝論竝論初住已上文也。故下文從何者下釋云無明分盡等也。攝大乘云因緣生死等者。如止觀第七記既云生死祇是生滅。次何者下釋中又二。初正釋次引大論證。初正釋中二重者前約智斷爲生滅。次又殘下全約惑邊以論生滅。次引大論中有喻有合。喻中耘如滅。種如生。

撰述一

法華經疏卷第十四

三

合可見。又增道損生亦如生滅。生故感報也。次從若就去別約妙覺位亦九亦十者。損生義足。是故唯九約現生後。既有現報亦可爲十。如大縷珞慧眼菩薩問文殊具。如止觀第五記。三十生盡等大覺者有本云四十生盡。四十一生盡等。竝悞也。言三十者。仁王經中。一一地中分爲三品。卽以一品爲一生。仁王經中不立等覺。故三十生盡卽入妙覺。他不見之便以四十位或四十一位爲四十生等。又約現生後論。九論十者。有現報故。名爲有報。無生後故。亦言無報。始自初入變易土中受法性身。旣竝無復隔生之義。故

無生後二種報也。故涅槃中純陀品云。我今所獻食願得無上報。是則報中無上。不過於佛。何者。下并四復次作所表釋佛報無上。復引賢聖集釋五文意。復約五味判賢聖集意。故至法華方名無上。稱歎之意。良有以也。賢聖集意者。亦如俱舍云下無升見上。例知二乘下智不了上智。非正徧知。約五味中初約乳云。或入卽假。或入卽中者。依中論偈。況用卽名。其實華嚴二教未卽機緣。未合故着。或言部中雖有無上之教。爲帶別故。部非無上略。唯析空故。無或言。生熟二蘇言。卽言或例乳可知。唯至法華體方是卽。涅槃

80123456789

100

1

123456789

解卽而行不卽。次復下開權者至法華經復有二種入妙不同。引入及按位入故也。言又按其性相不論引入者如從伏位來入伏位名爲按位。從伏惑位入斷惑位名爲引入。今不論引入當位卽妙。妙體稱本無隔異故三以偈結中二先明結意云縱橫甚多者於一界各具十法故名爲橫。按次第起名之爲縱雖若縱若橫無非三諦故知實非縱橫義言縱橫雖非縱橫以交互起不可分別故雖千萬起不可分別若以下文諸意結之則令可識次正結中二先正結次總結初中云以經論偈結者復有多意一者法不

孤立立必有由二者以偈結廣令易攝持三者知此無上十界徧一切教收大小乘爲實施權開權顯實等意竝可見中論偈意本是一實不可思議徧申諸經故今用結百界千如以成一心稱一切教故云攝得前多大經偈云通教同稱無常者未見常理故別教次第滅於生滅先內次外佛界一切衆生卽滅盡定又生下重釋者別教登地亦得寂滅故須此釋也七佛通戒偈者過現諸佛皆用此偈以爲略戒徧攝諸戒故名爲通如增一第一迦葉問阿難增一阿含具三十七品及以諸法四含亦出乎阿難言且四含

撰述

卷之三

多四

一偈盡具佛法及聲聞教所以然者如諸惡莫作是戒淨諸善奉行是意淨自淨其意是除邪是諸佛教是去愚當知一期廣敎不出此也小乘既爾例大亦然故用結之今對十界其理盡也一切大小咸入其中次廣明佛法中爲三初標所照次唯佛下能照三是事下結意指廣初文者還指前衆生是佛智所照故云境界次明能照中二先總明境智相契次歷三語以明智相文但二語者以自他相對卽名自他故闕不論初文中二先法次譬當知三法祇是不思議廣大法界次二語中二先正釋次從二法下結意立

妙初文者照佛界名自照九界名他者亦約顯說何者佛非無九九非無佛攝屬異故各得名次結中雖有本迹之名此是迹中之本亦名權實亦名自他也以不言久遠之本但云二法爲本故但屬迹化儀不過現身說法故約此二以明自他故知且約果邊明佛法也至方便品釋十如中委明三明心法者爲三初標次來意三正釋初如文次文者言前所明法者祇衆生法佛法不出於心故先示之若爾何須復述故但衆生下正述來意次涅槃下正釋又二先明心體次上能下明心所攝初文者向言前法豈得異

心今言心性名爲上定故心性之言其言甚略應了此性真足佛法及衆生法雖復具足心性冥妙不多以心性觀則似可見若以衆生及佛而爲觀者則似如不逮若以心性觀彼界如界如皆空常具諸法非空非具而空而具雙遮雙照非遮非照亦祇是一念心性而已如斯之定豈不尚耶言涅槃云一切衆生真足三定者謂上中下上定者謂佛性卽心法本妙如止觀第五記次明所攝者旣異前法故須明攝示心是攝非謂攝他先攝衆生但略指而已次攝佛法中二先引華嚴次釋經意顯佛法界初引華嚴

等者引華嚴二句三諦具足從法界去釋又二先釋經意次又遊心等者下重釋二句結歸經意以顯心法妙也初釋遊心者心之所遊體是法界不得更計能遊所遊此法界體是畢竟空故云如空法本無名假立心佛故云卽假經文雖爾語猶總略故重釋云又遊心等卽百界千法三千世間次所謂去略有二相假卽衆生實卽五陰及以國土卽三世間也千法皆三故有三千釋遊心竟次重釋如虛空者具如止觀不思議境以自他四句推三千法縱橫乃至非縱非橫四句叵得次重釋諸佛境界者偏法界故故云

上等佛法下等衆生法。次重釋心者。衆生及佛不出於心。故無差別。名心法妙。是故結歸三無差別方。名爲妙。思意可見。云問下料簡。雖對心料簡意實亦應對餘二簡何者。亦應問言。一衆生何故各具百界千法。佛果已滿。何須復云百界千法。已云心法。卽餘二。故若不問餘二。心法之二。旣其不妙。郤令心法亦未爲妙。故知義言應兼問二。具如止觀不思議境。若理若脩。若結若譬。須來此中。若失此意。至釋十妙。妙反成麤。乃至第七卷末同申此旨。何者。乃至蓮華。同譬此旨。乃至本門。久證此旨。體宗用三。同顯此旨。

次釋妙者。今一家釋義。名通義別。蓋是常譚。又更略引小乘名通以示其相。如中含第三諸比丘歎舍利子所說。妙中之妙。然舍利子但說事中行忍。是巧方便。不損他境。名妙中妙。又四十三佛告諸比丘。莫求欲樂極下賤法。爲凡夫行。亦莫自苦苦非聖行。離此二邊。則有中道。成於眼智。歷一切法。皆悉如是。又四十九歷。一切法皆云不空。又婆沙中間佛。何故說四諦爲食。答爲滿法身。如村落食但養人身。故禪中善根能養法身。豈以如是妙中之妙中道不空法身等。名能定法體。是故須以名下之義而簡別之。今尚不

80123456789

100

取別教教道通教含中。況三藏教離斷常中及阿含中離苦樂中等耶。又約部者尚不取帶二對三兼一之中。況但空偏假而爲妙耶。又約本門尚不取中間今日相待絕待。況復今日兼帶妙耶。下去例然正釋中先列通別二門。次依門解釋。初通門中。文自列二妙次釋。釋中二先略叙二意次正釋。初文又二。初正叙次破古。初文者既云此經當知妙題。兼此二義故使今釋諸妙以二冠初。故迹門十妙。一一妙中開多科目。無不二釋。言更無非待非絕等者。理性實是非待非絕。祇向待絕約理論二。不同雙非二邊更有中

道之理。恐有人疑應更別有雙非待絕之理。故便釋云文理俱無此待絕理已破無明已顯中道。故知雙非無復所顯。故云破何惑等。次破古中牒前破意以前教中有龐有妙。故知光宅破昔意謬如前。次正釋中自二先待次絕。初待中二先釋次問答料簡。初文又三。初總叙來意。次正釋三妙義下結意。初文意者今家卽以三教爲滿。故對三藏爲半簡之。亦是常無常等者大小可爾。常等仍含以通教遠能通常理故。故且對藏以爲無常餘例可知。次正釋中卽以鹿苑對後三昧中三教爲滿。下文以涅槃在法華前者以

同味故前後無殊。又欲以今經顯獨妙故在後明之淨名滿中云說法等者具如淨名疏止觀第一記略釋次般若云於闇浮提見第二法輪轉者大品十二諸天子云我於闇浮提見第二法輪轉是中無量千諸天子得無生忍乃至方等法華亦望鹿苑以爲初轉次明今經如文所以重叙前諸經者明今經相待不應對三教文亦且同諸教所待故亦指鹿苑而爲所待結中意者一往以所待之麁對圓爲能待之妙諸味不殊與法華何別故須更有料簡釋疑於中有兩重問答先約法次約譬初約法中先問者如上

釋不應法華獨稱爲妙答中二初總責次別答初總責云今亦不尅教定時者但云從通教去且名爲滿亦不尅定通別圓中俱取三教生蘇已去的取一時那忽難云齊方等來滿理無殊又更與之故云縱令爾者別有所以從何者下別答中三先釋次引證三判麁妙初釋中二先約機次約教初約機中又三先總立利鈍二機次歷味分別三此妙下判同異初言利根者卽圓別也二乘之人及通菩薩卽此以論方便別教雖帶地前方便處處得入是故此等更須生熟二蘇調之故此二味復名方便云方等帶生蘇論

撰述

卷之三

卷之三

妙以待麤者二乘鈍根於方等中得生蘇益帶此益故以論圓妙熟蘇比說今經既無方便故判文中今經與諸經雖同名滿帶不帶異故復不同次約教者既竝云門故知是教可見次引論證中雙證機教爲說卽教弟子是機不生不滅帶不帶等已如前簡故註云云中論偈云云者不能列名直釋其義證利鈍根意初句爲鈍餘三爲利亦且一往故云云耳三判中還以論偈意判初句對析故云不卽此析抽故故名爲麤若能卽空去釋下三句初且通舉言此卽空能通中道爲中方便次從通中方便去釋通別菩薩

雖能通中以帶麤故故總名麤通教中根帶於卽空下根帶假別教亦然是故皆麤言直通者空卽假中是故名妙此亦是判未得名開開無復麤空假皆妙次問者問乳至醍醐同稱爲滿者約五味爲問也由前釋云方等般若及以今經俱通滿理是則除三藏外俱名爲滿其義旣混此云何通答意者滿名雖同不無差別故作四航之譬以解五味之譬四航之中三官一私雖同名官不無差別教門亦爾通雖名滿所通處近如至中洲別圓通遠如至彼岸若簡教道別到彼岸其路紆迴圓教官航方名直往雖同名官

撰述

法華經疏卷第十四

四

所通既近及敎道別何妨同滿而滿不同釋絕待中爲七先通明四絕次明二妙妙上三法三將四絕約五味判四開權五會諸絕成妙六將本迹等妙妙上三法七判橫豎初文約敎顯圓問若明絕待祇應但一何故開四以四相形與待何別答若相待中展轉明妙前麤猶存今論絕待絕前諸麤無可形待又所以漸明四種絕者爲知圓絕極妙無過前三被絕圓外無法細消文意各有深致言隨情通敎卽空空卽附理生滅是事事附物情故云隨情通敎卽空空卽附理故云隨理三假之義今不暇釋意但且論展轉相望

以明諸絕顯於圓敎無復能絕若委釋三假具如止觀第五記故此中圓絕廣引文證譬類釋出圓絕相狀於中初正釋四敎不同前三如文四圓敎中爲二初正釋次以空有二門判前所釋初文爲三初依圓敎出絕待體次今法下出今文意三降此下斥僞初又三初引正敎出體次大經下引經三妙亦下以今意會經初文又二初正出體次明絕相初文者旣云圓敎若起說無分別敎所譚絕絕前諸敎故云亡泯次豈更下明絕待相狀明法界體一無復形待待誰爲麤等者明無能待能卽是妙法外無法待誰麤妙

撰述

卷之三

多四

無所可待等者。則無所絕。所卽是麤法外無法。故無所絕。次引大經中三。謂法譬合三會。今經意中二。先會。次若謂下破情計。若謂有能絕此計。大於所絕。何者。若於所絕起計。猶有能絕之大於能起計。計大於所故云大。有所能翻成所故不名絕。次今下。正出今文絕妙之相。又二。先出次引證。證中二。先證非見聞。等次證不可說。示初文二。先引次釋。次文二。先引次釋。釋中二。先總次別總中。但云亦是絕歎之文。卽指經中絕歎文也。別中又二。先釋。次引文三證。初文者不可以相待。示不可以絕待。示待絕俱絕。故名滅。

待滅絕。次又云下引文三中初引今經空爲能絕。此空亦空能所俱絕。次引中論者。借成今文待不名絕。若法爲待成者。待麤而得妙。是法還成待者。是妙還成待。今妙不因麤。故云無因待。既無所待麤。亦無能待妙。妙卽所成法。旣能所俱亡。故云亦無所成法。此引中論以絕破待。待謂緣生故。唯絕無待。故且引絕以證今經。待絕俱妙。同在法華亦非碩異。由待知妙。妙體是絕。絕亦無寄妙體無二。華首文意亦同此也。故引華首成中論意。次從降此已下斥僞顯正。若未見理。徒謂爲絕。若論文意非必見理。但應六卽以判。

撰述

卷之三

三

絕理。是則六卽名爲六絕於中。又二先。明斥僞次。若能下舉正顯僞。各有法譬。初文法中。又二先。直明僞。次乃是下出僞相。僞卽不絕。又二先。出僞相。次何者。下釋僞。所以由心慮故。次舉譬僞。故不絕次。若能下復初顯正。如黠下舉譬顯正。初言寰中。如止觀第六記名字。如塊真理。如人無明癡大逐名言塊種智。師子得理亡名。故知言語從覺觀生。息覺觀則名言絕。言思絕則待絕亡。妙悟下明二門。門能入絕門。從敎入故。如快馬下譬入門之人。此中多意。不復委釋。尋意可見。次二妙。妙上三法者。欲明三妙在於法華方。

得稱妙。故須二妙以妙三法。故諸味中雖有圓融。全無二妙。三被妙已。故三卽妙。故上文云。此妙卽法。此法卽妙。故得三法皆具。於十成三十妙良。由於此問。向釋妙云。待絕俱絕方名爲絕。今何以言待絕二耶。答前明絕待。故須俱絕。今述經意。故須雙明。經意雖雙理無異趣。以此俱絕對前稱待所待。未會會方名絕。是故此部得二妙名。三將四絕約五味者。應更判云。乳味二絕。一麤一妙。乃至熟蘇。二麤一妙。今經唯妙。但是文略。四開權者。開諸味。宁麤耳。五從問下會。絕成妙中。先問次答。答中又三。先會次從。又下判能。

撰述

卷四

所三從如迹下約本迹以釋能所之意。教與本迹及以觀心展轉相絕。何者不由迹中圓融之說故不能知本地長遠之本。若本遠教興故使迹絕本雖絕迹。豈卽說遠能知心性。若語心性迹本俱絕故云本迹雖殊不思議一。一彼殊故故知徒引遠近未了觀心遠近自彼於我何爲如貧數寶此之謂也。第六今將下意者迹中意者九界衆生皆開顯故本中意者雖開權竟事須顯本。權迹望本迹猶名麤觀心意者若不觀心安知已他因果心妙第七意者四各有絕故名爲橫。今三從圓迭至觀心故名爲豎。卷第四

法華玄義釋籤卷第五

天台沙門湛然述

次別釋中二先結數示妙。次正釋妙初文中三麤一妙者且以但麤對獨妙說餘之三味麤妙相帶故略未論下文具列於中二先結數次若破下示妙初文中云本迹等者本迹各十真列在文若觀心十竝皆附在諸文之末或存或沒不別開章既其觀心寄在諸文之下今但約迹本兩門各具十妙義各攝於心佛衆生今初迹明十妙者爲二先列次釋釋中爲五者第一中云廣解五章一一廣起五心者故今釋名

80123456789

100

1

123456789

100

迹十妙中。望前七番。以成五心。唯少開合及觀心等。
 竝散在諸文故也。故今標章起念引證起信生起起
 定。況諸妙下處處皆然。并觀心起進開合起慧五心
 足也。故更列五番意在於此。初標章者。非獨直標十
 名而已。兼標章內一一諸科。如境具標六。智列二十
 等觀文可知。釋者事須略述諸科文相大體攬下觀
 今粗亦可見。乃至一一妙中皆先列竟末後說意。如
 境妙云。境是所師。智云導行等尋之可知。標感應中
 水譬感。月譬應不升不降。感應道交。神通中報得在
 天脩得如仙。作意在藏體法在通。無記在別圓初地。

初住遠近者大通名遠爾後名近。二引證中先指處
 次正引證。境中言智慧門者。慧家之門。卽理爲門意
 也。三法中且指乘體以爲真性。感中我卽是應思衆
 生衆生卽感也。佛眼六道等思之可見。神通中六瑞
 且舉入定三生起中二。初正生起次前五下結成自
 行化他各有始終。故知心佛衆生皆有此意也。次正
 釋中十文不同。初釋境者先列章次列數次數意。次
 生起後廣解。生起中初正生起次始從下結示。始從
 無明卽十二因初也。實際卽一諦也。初正生起中云
 初十如是此經所說者。此是今經實相之境。又是一

部三妙之文。次因緣境雖舉三世生滅因緣已下三種以三世爲本。次四諦者示其因果令脩道滅非佛出世焉知此名。苦集是俗道滅是真餘文可見。次正釋因緣中自爲四章。初列四章次釋釋中先雙舉界內界外各二種以定根性。次釋釋中三先重立界內利鈍二根。次引論三釋釋中二先簡次釋簡中言自在天者。一切外道皆悉尊於三仙二天。如止觀第十記世性者計二十五諦。如止觀第十記微塵者計於衆塵和合而成以外人不知業力緣故也。此正下正釋釋中爲二。先正釋次料簡初正釋中四初略立次

引證三過患四釋名初文者以知無明造故不同外計次引證中三先引次釋三結初文中非自在者諸邪計中且舉初計次無明下釋當知下結三人天下明過患又二先出過次引縷珞文證言經又稱等者生已復生生生不已故云十二牽連等也此十二下釋名新新祇是念念續起次料簡中云縷珞中無明緣行生十二則一百二十支者準彼經第四釋十二因緣云從無明緣行使生十二支乃至有緣生老死便生十二旣以未來二支合說則始從無明來至老死有十一番此十一番但十箇中間一一皆生一十

標題

卷之五

五

二支。故十中間有百二十。若依今文乃成一百三十
二支。以開生死爲二番故雖開合不同大意不別。今
雖開生死結數依經是故但云一百二十。初是癡等
者旣十二支無明爲本一一復具一十二支當知支
支皆具無明乃至老死緣起緣生者先問也。從此同
是去答婆沙雜犍度中問云緣起緣生有何差別。彼
文答云或有說者無有差別。何者如伽羅那經說云
夫緣起法一切皆是有爲法故云何緣生一切緣生
亦是有爲法故。今文略云同是有爲法故亦有差別
去彼論云然亦有差別故有說者云因是緣起果是

緣生。如因果義事所事相所相成所成續所續生所
生取所取亦如是事如因所事如果乃至取亦如是
論中初但云因果次開對二因二果
復有說者過去是緣起現在是緣
生不云未來復有說者現在是緣起未來是緣生不云過去今
文略無此二解復有說者無明是緣起正是今文第
二解復有說者無明是緣起老死是緣生十支是緣
起緣生今文無此解又尊者富那奢說應作四句具如今文四
句中初句以未來果支爲緣起等者謂因能起果非
果生因以過去爲緣生等者因能生果非果起因故
阿羅漢果不復起因第三句者謂除前二句相已取

過現果及餘。凡夫現在五支等。此是論文。諸師異解。不須和會。次引法身經說與論文同。因是緣起卽無明也。從因所生。卽是行也。和合謂結業成就。從和合生。謂識等是。愛取至老死。亦復如是。言中道者離斷常耳。論文又云。復次起所起等。如前。次推三世中云。三世皆十二者。推因知果等。如今所說。三世俱名因果。而支數多少不同者。具如俱舍云。略果及略因。由中可比。二如止觀第三記。現在既望過未成十二。當知過未亦自相望。各有過未。故各十二。今且從現故。但十二。次釋十二時中識心眷屬者。謂三陰也。論文

又問。云何具上三受。答。三受悉能爲愛作緣。何者。愛有五種。一者求樂愛。愛未生樂受。欲令生故愛。二者不欲離樂愛。已生樂受。不欲離故生愛。三者不生苦愛。苦受。欲令速滅故生愛。五者愚愛。未生不苦不樂欲。令未生不生。已生欲令不失。故生愛爲是義故。三受緣愛。問愛取何別。答。愛增廣名取。復有說者。下者名愛。上者名取。復有說者。若愛能生煩惱。是名受緣愛。若愛能生業。是名爲取。次釋一剎那者。俱舍亦云連縛等四。剎那是其一也。具如止觀第七記。次料簡

攢述

大藏經卷第十三

卷五

問答中論又問何故不立病爲支答具如今文欲界衆生尚有如薄拘羅者況色無色界故不以病爲支準例老亦不是一切常有故不立支問憂悲是支不答以終顯始者始謂老死終謂憂悲以見憂悲必有老死憂悲既苦老死必苦又云憂悲等法散壞有支猶如霜雹是故非支論又問三有爲相何故生相獨爲一支老死二法共爲一支尊者波奢說佛知法相無能過者復有說者生能使法成立老死使法不立復有說者法起時生勢用勝法滅時老死勢用勝論又問無明有因不等具如今文若有云何不立十三十四支若

無無明不是無因老死不是無果耶答應作是說無明有因老死是果但不在有支中何者餘如復有說者無明有因謂老死等如文彼料簡文又約增數釋十二緣當知有一種緣起法謂一切有爲法復有二種緣起法謂因果復有三種緣起法謂煩惱業苦復有四種緣起法謂無明行生老死以現八支攝在過未故也又有五種緣起法謂愛取有生老死以過現七支攝在現未故也復有六種緣起法謂三世各二謂因果也復有七種乃至十一文中不列指在他經大經十四增數文同婆沙次文又料簡問此十二支

80123456789

100

110123456789

幾欲界色界無色界。答有說唯有欲界胎生。具有十二。有說欲界十二。色界十一。無色界十。色界應云識緣六入無色應云識緣觸。評者曰。應作是說三界皆十二。又問如色界無色界無名色云何具十二。答初生色界衆生諸根未猛利名名色無色界雖無色而有名。故云雖無色根而有意根。彼應作是說識緣名。名緣意入意入緣觸以是義故。一切十二又婆沙中毗婆闍婆提說無色有色。若育多提婆說無色無色。何者是耶。答佛經中說名色緣識亦應有色。又餘經說壽煥識三常相隨逐無色既有壽識云何無煥。又

餘比丘說除四陰說識有去來生死者不應爾。如從欲界生無色界經二三四六八萬劫斷色後生欲界還生色者。入無餘界應更與行相續欲令無此過故說無色有色言無色者此依何經答經云解脫寂靜過色入無色者故知無色又云色離欲無色離一切入涅槃故知無色此二云何通何者爲勝答說無者勝若爾說有者云何通答未了義故問引經云何通答欲有名色無色無也。欲有三法隨逐無色無也。色續論者有四句分別無色續色色續無色餘二句可見故知無咎論又譬樹者過去二支爲根現在五支爲

質現在三支爲華。未來二支爲果。有華有果。謂凡夫。

無華有果。謂學人。無華無果。謂無學。無生中六先立。

意。次立根三正釋。四引證五舉譬。六結名總而言之。

祇是四句破假相性二空故。得幻化卽空之名。前五

文可見。結中先譬次合譬中云。如藤蛇者亦可喻圓

門本有。今通喻無生辨異可知。三不思議生滅中五

亦先立意。次爲利下通立兩根三正釋四諸論下行

相五結名前二可見。三正釋中二先引經次釋經意

四行相中三初叙性計略述兩計餘兩可知言無沒等者無始時有未曾斷絕故云無沒非善惡性故云

無記含藏種子出生一切次若定下略斥性過又二初略斥次況出過相初言若定執性實者計黎耶爲真。是自性計爲無明是他性定計自他能生諸法法則有始有始故同於冥初則不出二十五諦當知此計不出三藏所破豈得成於別教因緣耶次尚不下況出可見三今明下立正行相又二先自破計次若有下爲他四說初文四句推無明如四句求夢具如止觀第五文彼意在圓今文在別次爲他中三法譬合合中二先總次出界下別明相狀又二初出界內次界外此界內外義通四種故云界內如前卽前三

80123456789

100

1

123456789

100

種前二指前竟次出界外中二先略標次引論釋相
又二先引論文次緣者下釋彼論文以成今意論列
四障今具釋對於中二先正釋次過患初正釋中二
先略釋次還如下與界內辨同異初中言三種意生
身如止觀第三記次辨同異中二初明相同次此十
二下明義異次彼論下明過者由此十二故障於四
德由無四德故不得入於無障礙土五是爲下結名
可知明圓十二緣中爲四先立根次卽事下立意三
引證四結名初二如文引證中三先引次無明下釋
三故言無明下結初者大經十二因緣名爲佛性佛

性卽三因也卽是中道者二十五云善男子生死本
際凡有二種一者無明二者有愛是二中間卽有生
老病死之苦是名中道如是中道能破生死故名中
道以是義故中道之法名爲佛性章安釋云中間唯
有識等云何言老死答下文云現在世識名未來生
現在六入等名未來老死又作三德三觀以對三道
又如寶篋經中釋十二支一一竝明三觀之義彼去
來品文殊白佛去來是何義佛言來者向義去者背
義不來不去是聖行處癡是去義不癡是來義非癡
非不癡是聖行處乃至老死亦如是又約我無我常

無常等皆作此說當知向是生死背是涅槃不向不
背即是中道。又下文中道品云佛說中道無二法故。
二乘乃至凡夫亦能生信佛告文殊明無明無二故。
成無三智此謂中道具足真實觀於三諦乃至老死
亦復如是。又云若無明有者是一邊無者是一邊離
邊此二中間無有色相可見無相無待是謂中道乃
至老死亦復如是問中道是何義答末陀摩經中自
注云末者莫義陀摩者中義莫著中道名末陀摩釋
之可見次判中先重叙次判判中二先判後結判中
先四教次五味初四教者又二先列次判先列即是

展轉迭出巧拙最後方妙初中三藏次若無明下通
教次若無明下別教次若言下圓教一一皆先釋次
引經論證成可見初三藏中者從三生二謂煩惱生
業從二生七謂業生苦從七生三謂苦生煩惱三世
合說故也毗伽羅論如下第六記次判可見五味如
文結文可見次開中爲二初總叙三麤次正開又二
初開前兩因緣次開第三緣初又爲四初略開次引
信解譬三如來下釋四結初如文次引信解中具如
品中釋云成窮子物者本是長者之物謂如來藏子
性不殊故云子物當知如來本有卽子本有故一切

諸法皆摩訶衍。又大經二十五云。善男子觀十二因緣智慧是阿耨多羅三菩提種子。以是義故。十二因緣名爲佛性。又云。一切衆生雖與十二因緣共行不知。以不知故無有始終。十住菩薩但見其終。不見其始。諸佛世尊見始見終。以是義故佛了了見。衆生不見。是故輪轉。次如來下釋意。次從今決了至。即是開兩種因緣論妙者。結也。前之兩教雖有佛菩薩大判。竝屬二乘之法。故今決了。即是開彼藏通兩種十二緣也。次開第三中二。先略引大經。明開次結。初文二。先引經。次昔慧眼下釋經意。又二。先釋。次故云下。重

引經文以證所釋。言慧眼見故而不了了者。此是別教十住慧眼之位。全未見性。名爲不了。又若約實道。即是相似見性。亦得名爲見不了了。今皆開之。令見不空。此卽下結。此卽是開別教。故云第三第四觀心中三。先法次譬。如下譬三。一念下結位。初文二。先立次引證。證中二。先證。次空慧下釋經意。次譬中二。先譬。次旣不爲下合具足四德。結中四初結成觀境。次觀。此下結成能觀之觀。三其心下結成秘藏。四恒作下結成六卽位。○第三釋四諦境。自爲四別。初文自爲二。先出他解中又二。先述次略斥。初文者。有勝鬘

師釋彼經中聖諦之義名爲無邊彼經但與二乘對辨故唯得立作無作名古人既無四教判釋但以大小相對明然勝鬱師於大乘中唯以佛果而爲究竟卽對二乘名爲有作經文自以有量轉釋有作二乘旣是有量有作當知大乘祇是無作無量次卽判釋約行約法分作無作作謂造作故是行也量謂數量故屬法也小行未窮不名無作法未究竟不名無量經言者亦勝鬱經也依經重釋作無作等彼經云有二種聖諦義謂有作無作有作者有量四聖諦也何以故非因他知能知一切苦斷一切集證一切滅

脩一切道今文除上非字改下能字爲非字者意顯小乘從教得故經云非因他知者意顯所證非從他得自知已法亦可分名能知一切今初先釋有作言因他知者二乘旣未堪聞法界理但從佛聞四諦聲教依此教行知是有作行也次釋有量者上來但聞小乘之法攝法不偏故云非一切知當知行法兩種相顯共成小乘人也次釋無作無量者對小明大故言無作無量經云無作聖諦者無量四聖諦也何以故自知一切受苦一切受集脩一切道證一切滅如是四聖諦義唯有正覺事究竟也非二乘事究竟古

100 1 2 3 4 5 6 7 8 9

100

100

人不了見經唯有正覺之言便推極果此是別教敎道之說非初發心畢竟不別於中先釋無作佛所知滿不復更作故名無作自力知去重釋也有二義故名無作一者自力知異從他聞二者一切知異有量法從知者去釋能知者以屬於行即是無作所知一切卽屬於法是無量也此卽大乘行法相成成大乘人也次云如此釋者雖唱四名者略結斥也謂作無作量無量但成二義者大小二義也此且略斥後猶廣破次正釋四種四諦中標列釋釋中二先正釋次破古先正釋中三先所依正敎次明立法差別意三

正釋初文云其義出涅槃聖行品者第十一第十二經廣明聖諦今多依彼然聖行中明四諦義兼含大小若解生滅及以無量其文則顯無生無作文稍隱略具如止觀第一記然彼經文三藏四諦文中以略明四種四諦竟後文廣釋耳具如止觀第一記次文者問何故立四種四諦之殊答諦本無四諦祇是理理尚無一云何有四故知依如來藏同體權實依大悲力無緣誓願物機所扣不獲而用機宜不同致法差降從一實理開於權理權實二理能詮敎殊故有四種差別敎起涅槃實後暫用助圓故須具用偏圓

事理。故今引之以顯誠證。三偏一圓界內界外。各一事理。故成四種。正釋中文自爲四。初明生滅四諦者。又爲五。初立名所從。次然苦集下。明立四所以。三雜心下。釋相。四次第下。明安立次第。五聖者下。釋名。近代章疏皆釋名居初次出體辨相此一家立義不以釋名等爲要。但在立意所以得經宗要。明觀行所歸。若釋餘經當機說法。一處一會。一門一行。隨稟隨入。竝益竝當。故若諦若緣若度若品當文咸會。若依法華凡銷一義。皆混一代。窮其始末。施開廢等教觀之。相是則說者真得法華之正教行者真得此經之正。

理。教行相循。佛旨斯在。故一一義下皆先分別次明開顯。次約觀心。如此釋經方名弘教。五意不同。初文可見。次意者。苦集祇是世間一法。道滅祇是出世一法。三釋相中二釋結。釋中總有三文。初雜心者。世出世法。因果性殊。而因必趣果。因果類異。故使四殊。次大經者。陰入是重擔。凡夫不捨。二乘不荷。菩薩捨已能荷。故云捨擔能擔。逼近迫駁也。在近不離。常爲駁逐。三界恆爲此苦繫縛。見愛二種。和合聚集。故招當果道品。雖多戒等攝盡。故略舉三以明法相。四諦之下。八相雖異。除苦集觀。不過苦等。故略舉之。果以因

100 1 2 3 4 5 6 7 8 9

100

1 2 3 4 5 6 7 8 9

100

1 2 3 4 5 6 7 8 9

100

爲本苦以集爲本。道諦能除故得名也。苦本若去其苦自亡故但須除本子謂二十五有因果謂二十五有果。因若滅已其果必喪。自有因亡果身仍在今從遠說故云子果。故知但脩出世因以除世因故引遺教以證二因。又此諦名有通有別。別在身心通約一切如四舍中歷一切法無非諦觀。又婆沙中舍利子爲摩訶拘繯羅說多聞法。聖弟子如實知食知食集知食滅知食滅道云何知食。謂博等四食云何知食集。謂若當來與愛喜貪俱云何知食滅。謂如實知當來有愛喜貪俱彼彼樂著無餘斷捨吐盡離欲滅息。

沒是名食滅云何知食滅道謂八支道乃至約八苦等悉皆如是此是約十二頭陀中初乞食釋餘文一。乃至十二緣無非四諦。又如思益四諦品中云。四諦者謂世間世間集世間滅世間滅道世間者五陰也。世間集者貪著五陰也。世間滅者五陰盡也。以無二法求五陰名世間滅道。又婆沙中云。四諦體性何者是耶。答阿毗曇者作如是說。五取陰是苦諦。有漏因是集諦。數緣滅是滅諦。學無學法是道諦。譬喻者作如是說。色是苦諦煩惱業是集諦煩惱業滅是滅諦。定慧是道諦。阿毗曇中正量部異師爲譬喻者。毗

80123456789

100

110

120

130

婆闍婆提說。八苦是苦是苦是苦諦。餘有漏法是苦非苦諦。生後有愛是集是集諦。餘有漏法是集非集諦。生後有愛盡是滅是滅諦。餘一切滅是滅非滅諦。學人八支道是道是道諦。餘一切法是道非道諦。若爾諸阿羅漢但成就苦滅不成集道。何者後有愛已斷故。羅漢非學人故。學人八道非羅漢得四四諦。次第義者又二意。前約教次約行。準此二義俱先麤後細。婆沙廣說世法麤出世法細故。前明世間就世出世法各論因果。果前因後者與麤因細故也。五聖諦者下釋名聖者正也。人既是出世聖人。故法亦是出世聖

法。從對他邪而立名也。諦有三解。注云云者。不先列名。次直釋云。自性不虛。四皆實故。次義具如遺教云。由見諦故。得不顛倒法。既云聖正。故見者無倒。第三義言能轉示他者。由前二義爲因。故自行滿則能轉於四諦法輪。又前二義中。以由此四性是真實故。能令見者得不顛倒覺。覺者諦智也。故知四法皆須審知。又轉法輪時。於一諦皆生四行。謂眼智。明覺。今文語略故。但云覺。故婆沙云。諦是何義。答審義是諦義。實義不顛倒義不異義。是諦義。今文合初兩義。審實不異故。但三義。第二與論名同。第三名者。如云苦。

撰述

卷之五

第五

我已知。不復更知。如汝所得。與我不異。餘例可知。次無生者。又爲四。初得名。次苦下釋相。三又無生下結名。四聖諦下指廣。初文者。從界內理以立名。次釋中二先釋。次引證。初文準思益等經。如思益云。無生四諦者。知苦無生。名苦聖諦。知集無和合名。集聖諦。於畢竟滅中無生。名滅聖諦。於一切法平等。不二名道聖諦。今云苦無逼迫者。對破三藏苦逼迫相。餘文依經。但語略耳。次引證中言習應苦空等者。大論三十七云。習者隨般若波羅蜜脩習。不息不休。是名相應。譬如弟子隨順師教。是名相應。又如大品舍利子問。

菩薩摩訶薩云。何脩習與。般若相應。論釋曰。舍利子知般若波羅蜜難可受持。恐行者悞。故作是問。大品佛告舍利子。菩薩摩訶薩習應色空。受想行識空。是名與般若相應。乃至種智亦如是。今釋四諦引彼中間四諦一科。卽通教義也。三結名中亦三。先略結。次引證。三正結。由因生故。而果得生。是故生名從因而得。故今釋無生。兼從因滅。因本不生。況復果耶。故云集道。卽空空故。不生集道。次引證者。四諦卽本不生。故舉解。苦無苦。三例可知。三是故下結。四指廣者。前生滅中。已釋聖諦名。及以次第。故今略指。不指次第。

100 1 2 3 4 5 6 7 8 9

100 1 2 3 4 5 6 7 8 9

100 1 2 3 4 5 6 7 8 9

者雖俱無生而不無次第但是文略無量無作準此可知。次無量四諦者又爲四初得名。次苦有下釋相三大經下引證四是名下結名初從界外事以立名又無量之名從壁從橫具如後說。次文可見第三引證者大經十二云善男子知聖諦智凡有二種。一者中智二者上智中智者聲聞緣覺上智者諸佛菩薩善男子知諸陰苦名爲中智分別諸陰有無量相悉是諸苦非諸聲聞緣覺所知是名上智。如是等義我於彼經竟不說之。知諸入爲門亦名爲苦。知諸界爲分亦名爲性亦名爲苦。知諸色壞相知受覺相知想

取相知行作相知識分別相已上知愛因緣能生五
陰餘如苦諦知滅煩惱是名中智分別煩惱不可稱計減
亦如是不可稱計餘如苦諦知是道相能滅煩惱是名中
智分別道相無量無邊所離煩惱亦無量無邊廣如苦諦菩薩屬別諸佛屬圓今從總說且言分別名爲上智
以屬於別四結如文次無作者又爲四初得名。次以
迷下釋相三大經下引證四一實下結名初文者從
界外理以立名爲對前三立當分義故云界外理理
實全指界內生死煩惱是也。次釋相中二先釋者以

0 1 2 3 4 5 6 7 8 9

100

1

2

3

4

5

6

7

8

9

迷理故苦提是煩惱。卽理性真智苦提何者是耶。界內見思是也。生死涅槃例此可解。次卽事下略結。煩惱生死是事。苦提涅槃是中。無始時來任運而然。非久思非暫念無有宰主。故云無誰。性本自然故無造作。是故此四俱名無作。間此卽結名何。故下文復更結名答。此中爲成無作相故。便云無作。下文總結唯一諦。故名無作。次引證中云大經云世諦等者。彼又約世諦卽第一義諦廣釋。釋世諦卽苦集第一義諦卽道滅。欲令衆生於苦集中而見道滅故云卽耳。其實無有二法相卽。故總結名中四諦祇是一實。一實

祇是三德四德是故雖有四名。四實無四。一尚無一。云何四耶。故亦不次而論次第。若釋名出體亦具當分跨節。二義四教審實理。四教種智覺四教教主轉祇是一音之教。如前可知。次從然下廣破古師。先依勝鬚重立無作四諦。彼勝鬚師但以一滅爲無作者。故知非圓。於中爲四先重叙勝鬚師意。次叙達磨破三答下。明勝鬚師救四今難下。今家判初文爲二。先指彼所立次何者下。釋彼所立初文者觀彼經意合從無作以立意旨。彼師別指一滅歎釋。是常是諦是依釋中二先釋三次釋一次。引達磨鬱多羅難者又

撰述

法華經疏卷第十五

卷五

二初難次結。初文難者。依彼經文道亦是常。何故總判三爲無常言。如衆流入海等者。以道常故。諸法皆常。如衆流入海同一鹹味。次那云下結。彼判道等三。皆是無常道。既是常故。知餘二謬判三勝鬘師救意者。若以理爲言。四諦皆常。何但道諦前苦滅諦下釋滅是常。從無始無作下釋道是常。說如來法身下釋集是常言。如來藏理本是法身。是故名常。說苦諦下釋苦諦是常。明如來法身爲陰所覆理體是常。二乘於四不顛倒境。不見不知者。明二乘人非但不見亦乃不知。如來藏理此是有量不知無量。今欲顯說。

下明向雖說四諦是常。猶未顯現。若顯說者。灼然如前。一常三無常。從有對去次約顯說苦集道三。猶是無常。有對治故。道是無常。障須除。故集是無常。身須顯故。苦是無常。是故且說滅諦爲常。四今師難。又爲三先斥。次從當知下。今師結判乃是無量四諦之中。別指滅顯位在初地。名爲無作三。從涅槃下引大經證結。次判中然前所列四四諦相從淺至深。是辨優劣。未是灼然判其優劣所以判者。今法華經約此四諦爲是。何教四諦所攝故。今此經獨得稱妙。所以須此判麤妙來。若祇判四教中圓名之爲妙。諸經皆有

80 1 2 3 4 5 6 7 8 9

10 1 2 3 4 5 6 7 8 9

10 1 2 3 4 5 6 7 8 9

如是圓義何不稱妙。故須復更約部約味方顯今經教圓部圓是故判中又分爲二先約四教判次約五味判若不約教則不知教妙。若不約味則不知部妙。下去一切判麤妙文悉皆例此初約四教判麤妙中教行證等例下乘妙應約位判四教竝以外凡爲教內凡爲行聖位爲證前之兩教但證真諦是故俱麤別教若準上下諸文應云證融教行不融以從初地證道同故此之玄文。凡判別義未開顯邊多順敎道今此亦然教譚中理是故名融行證次第故名不融若作證同應如前說俱融是圓是故稱妙次約五味

中言一破三者圓破通等。二不入者藏通不入中也。二一雖入一教不融者於圓別二教雖俱入中別教不融熟蘇一破二者圓破通別一入一者別入中也。一不入一者通鈍根也一雖入一教不融者重判別也次開麤者二標釋釋者若但判不開妙是麤外之妙待對宛然諸不了者咸謂待麤爲妙妙反成麤如前引中論云若法爲待成是法還成待故今開之無復所待卽彼所待是能待故能所名絕待對體亡故中論云今則無因待亦無所成法是故須此一門開前三教之麤及彼四味中麤下去諸法例此可知又

撰述

法華經疏卷第十五

第五

欲開諸經先叙諸經不開之意方顯今經開義異前
今文先叙諸經意次如是下。正開初文者準例亦應
通叙華嚴方等二種四種文無者略於中二。先叙諸
經意次重約敎約理等判。今且叙二味。四經一論不
同。初大品中云一切法趣本是圓教三諦之文。今且
離開以證三義。初卽空文。卽是下色尚不可得文也。
經文不次故前釋卽空後列二義以對三句。次引論
文釋成大品然中論偈文本是三意諸文義用。以初
證藏下文旣云已聞大乘十二因緣故知偈文局在
三教故今依文且證三意。下文自有兩品屬藏無量

等者無量則從圓出三此下三經同醍醐味。經意具
如諸餘所說法華可見涅槃言追者退也。卻更分別
前諸味也。泯者合會也。自法華已前諸經皆泯此意
則順注華部也。至大經中更分別者爲彼末代故大
經中具斯二說於中又二先列二品文意次解釋初
如文釋中但釋追泯於中又三先列次釋三如此下
結意釋中二先釋次料簡釋中但釋初句次餘三句
例初句中意其理旣卽故說不可偏言。那可偏作生
生而說者此中意圓不偏說故名不可說若止觀破
法徧中明圓理無說故不可說。今爲成敎從說便故

故知一句皆具四句。次料簡中問佛何故作偏解耶。者問意者。義意既通佛於經中何故但將第二句而解初句。答意者。若解第二即是初句。卽解三四同於初句。次或三種下重判。權實前已明。諸經若開若合。今欲開顯。故更重判多種。權實是權。咸開皆令使妙。初可說不可說兩番可解。次從或四皆可說爲龐者。有言教故。或四皆不可說爲妙者。契無說理故。或四可說有龐有妙者。實語是虛語。故龐如說而證故妙。或四不可說有龐有妙者。契如實理故妙。起默然見故龐。或四可說非龐非妙者。當教文字體非龐妙故。

或四不可說非龐非妙者。當教之理亦不當龐妙。雖有妙及非龐。非妙猶屬相待。有龐有妙。次從如是等下皆開其龐。令入今妙。於中又二先開。次借光宅義以顯成妙。言四皆不可說。是位高等者既開權已。皆至究竟不可說理。卽與妙經廣高長同。故用所開次第對之。準例諸科竝應。皆對廣高長義。但此元是光宅立之於此。非急故餘不論。句句至極。故是位高。皆可說者。一句皆可作四句說。故是體廣。亦可說亦不可說者。隨機說故。是用長觀心可知者。觀心卽空。故見生無生觀心卽假故。見於無量觀心卽中故見。

於無作。一心三觀於一念心見四四諦。前是廢權觀。後是開權觀。若論觀諦。豈無觀心。但上來諸說皆約教門。若施若廢。今辨觀心。則向所明居于一念。若境若智同在一心。故須更明以顯妙行。次釋二諦。先標列次正釋。自四四中初文者。又二先叙他失。次辨今得。初文又三先通明失次別顯失相。三古今下總結。二諦之名顯於餘教故。一代所出其名最多。能詮既多。所詮難曉。故弘教者爲茲諍生。碩大也。次妙勝下別明失中二。初明聖者往因次然執者下。近代凡執初文又三。初引經次二聖下。況斤三問下。料簡釋妨。

初文引妙勝定經如止觀第三記。次文可見。三釋妨中二重問答。以辨諍位。二聖在因。何位生諍。故須從近以二生爲問。復重遮言。二生之前。又亦不應墮於惡道。答中二先通指二生之前。次又二生下別約教。簡示初意者。自始發心。至此已來。皆名爲前。何必近惡道出。卽至二生。次文中言爾前者。齊初僧祇初皆名爾前。故容有墮。以此菩薩至第三祇始離五障方乃不墮。何必第三阿僧祇。未始惡道出。次問答中先問中引金光剛者。難後三教無墮落者。何故十地猶有虎狼等畏。後之三教竝有十地。故以爲難。畏故具

80 1 2 3 4 5 6 7 8 9

10

1

2

3

4

5

感具惑故墮。何故云無墮落惡道故引彼經第四爲難。彼金勝陀羅尼品十方諸佛同時說十番陀羅尼以護十地。如護初地云若有善男子得陀羅尼名依功德力是過去諸佛所說若誦持者永離師子虎狼等怖乃至第十地亦各有陀羅尼等彼經十地旣爲虎狼所害那言三教無墮落耶答意者亦二先通答次別答初文者意引大經二十二云菩薩雖見是身無量過患真足充滿爲欲受持涅槃經故猶好將護不令乏少觀於惡象及惡知識等無有二何以故壞法身故菩薩於惡象等心無恐怖於惡知識生怖畏心

何以故是惡象等唯能壞身不能壞心惡知識者二俱壞故若惡象者唯壞一身惡知識者壞無量身無量善心臭身淨身肉身法身亦爾爲惡象殺不至三趣爲惡友殺必至三趣大經文意旣是生身菩薩此父母身不免狠害非謂有害必墮惡道章安云諸惡獸等但是惡緣不能生人惡心惡知識者甘譚詐媚巧言令色牽人作惡以作惡故破人善心名之爲殺即墮地獄煩惱斷者不爲所牽故不墮獄次然圓教下約教酬向十地之難言餘教肉身等者別教旣無一生之中得入十地則不得云十地猶有虎狼等畏

但約觀解。十地猶爲一品無明虎狼所害。通教教門。十地無惑。故無觀解虎狼之義。若九地已前亦可通用。若作廢權通教。十地由爲界外無明狼害。又復遮云。於理則通。者遮於通別。雖有十地觀解之義。於事不通。故應復初圓教申難。次然執者下約近世。凡執又三。初執佛果不同。次執世諦不同。次執破立不同。初文者。佛果出二諦外等。如止觀第三記次文者。梁世執世諦不同者。初師云皆有者。如云餅即是名項細腹麤以銅爲體。盛持盥洗以之爲用。次師云無體者。名用如前。體無自性。若言項細腹麤是餅體者。

人應是餅。若銅爲體。鈴應是餅。第三師云無體用者有名無體。如前所說。若言盛持盥洗是餅用者。益應是餅。及不假手。又偏銅無餅。餅體尚無誰爲餅用。體用雖無世諦立名。名不可廢。是故更無第四師計。第三文者。破古來二十三家。明二諦義。如止觀第三記文在梁昭明集。三總結中。古卽聖者。往因。及梁世已前。今卽陳世諸德。次今謂下。今家正判。復爲融通。使古今諸釋咸屬隨情。於中又四。初總明立意。次略有下列三。三隨情下解釋。四若解下結。初中根欲如止觀。十力中釋。次意如文。第三釋中。云隨情等者。如止

80123456789

100

100

觀第三記。初釋隨情又五。初略明所以。次引教示相。三如順下譬執教之失。四衆師下重斥。五若二十三家下去取。初如文。次文云。世第一法有無量種者。亦約多人。如下智妙中說。一人無多人有。既可分爲三品。亦可分爲無量品。際真尚爾者。舉世第一。況前三位。自世第一已前。皆屬隨情。如世第一。鄰近於真。尚有多品。況復忍位。乃至停心。故隨情多。次釋隨情智中爲四。初立相。次如五百下引事。三經云。下復引教證。四如此下。結合前文隨情及後文隨智相對得爲一種二諦。故有此意來也。若不爾者。經有此文。判屬

何釋。五百身因。如止觀第二記。三引證者合世人心所見二諦爲一世諦。合出世人所見二諦爲第一義諦。共爲一番二諦也。結文可見。

法華玄義釋籤卷第五



明天啓歲次甲子鹿城張我城法名正照捐刻
法華玄義釋籤全部仰賴顯考憲副文奇張
公并祈法界悉親一切衆生同開實相法門

大清順治歲次庚子姑蘋管石梁送至武林天
溪大覺菴因爲重校謄字七十餘字補入脫
康熈丁未孟冬轉送入徑山古梅菴大藏流行
天溪受登識

撰述

清書

第五

人足登輪
本立水神故人沿山古盤布大縣
大吉高流水山故不缺其至若周人
公升河太陽
大吉善金水
大甲子則難易矣其去五黑日根

去華立鑿
建水策五

鑿共鉢一脊二輪也詳文可見

地火二輪爲一母結合田昔人視其二輪者第一
所聚五百良田取土財余二倍三倍者合母人

80

1

2

3

4

5

6

7

8

9

100

1

2

3

4

5

6

7

8

9

100

1

2

オノ六